



特 別  
013  
3196  
16



門 口 13  
號 3196  
卷 16

陽明先生別錄卷之九

公移二

征剿泃頭巢賊始末

其一告諭各巢賊黨

正德十二年五月

本院巡撫是方專以弭盜安民為職蒞任之始即聞爾等積年流劫鄉村殺害良善民之被害來告者月無虛日本欲即調大兵剿除爾等隨往福建督征漳寇意待回軍之日剿蕩巢穴後因漳寇既平紀驗斬獲功次七千六百有餘審知當時倡惡之賊不過四五十人黨惡之徒不過四千餘眾其餘多係一時被

忽感俱  
災移并  
在公移  
第一  
編文字

昭和七年四月二十四日購

三陽明先生卷六  
脅不覺慘然興哀。因念爾等巢穴之內亦豈無脅從之人。况聞爾等亦多大家子弟。其間固有識達事勢頗知義理者。自吾至此未嘗遣一人。無論爾等豈可遽爾興師翦滅。是亦近於不教而殺。異日吾終有憾於心。故今特遣人告諭爾等。勿自謂兵力之強更有兵力強者。勿自謂巢穴之險更有巢穴險者。今皆悉已誅滅。無存爾等。豈不聞見夫人情之所共耻者。莫過於身被為盜賊之名。人心之所共憤者。莫甚於身遭劫掠之苦。今使有人罵爾等為盜。爾必怫然而怒。爾等豈可心惡其名。而身蹈其實。又使有人焚爾室。

廬劫爾財。貨掠爾妻女。爾必心懷恨切。骨寧死必報爾。等以是加人人。其有不怨者乎。人同此心。爾寧獨不知。乃必欲為此。其間想亦有不得已者。或是為官府所迫。或是為大戶所侵。一時錯起念頭。誤入其中。後遂不敢出此等苦情。亦甚可憫。然亦皆由爾等悔悟不切。爾等當初去從賊時。乃是生人。尋死路尚且要去。便去。今欲改行從善。乃是死人。求生路乃反不敢。何也。若爾等肯如當初去從賊時。拚死出來。求要改行從善。我官府豈有必要殺汝之理。爾等久習惡毒。忍於殺人心。多猜疑。豈知我上人之。心無故殺一雞。

犬尚且不忍况於人命關天若輕易殺之宜宜之中  
 斷有還報殃禍及於子孫何苦而必欲為此我每為  
 爾等思念及此輒至於終夜不能安寢亦無非欲為  
 爾等尋一生路惟是爾等真頑不化然後不得已而  
 與兵此則非我殺之乃天殺之也今謂我全無殺爾  
 之心亦是誑爾若謂我必欲殺爾又非吾之本心爾  
 等今雖從惡其始同是朝廷赤子譬如一父母同  
 生十子八人為善二人背逆要害八人父母之心須  
 除去二人然後八人得以安生均之為子父母之心  
 何故必欲偏殺二子不得已也吾於爾等亦正如此

若此二子者一日悔亞遷善號泣投誠為父母者亦  
 必哀憫而收之何者不忍殺其子者乃父母之本心  
 也今得遂其本心何幸如之吾於爾等亦正如此  
 此聞爾等辛苦為賊所得苦亦不多其間尚有衣食  
 不充者何不以爾為賊之勤苦精力而用之於耕農  
 運之於商賈可以坐致饒富而安享逸樂放心縱意  
 遊觀城市之中優游田野之內豈如今日擔驚受怕  
 出則畏官避讐入則防誅懼剿潛形遁迹憂苦終身  
 卒之身滅家破妻子戮辱亦有何好爾等好自思量  
 若能聽吾言改行從善吾即視爾為良民撫爾如赤

子更不追咎爾等既往之罪如葉芳梅南春王受謝  
鉞輩吾今只與良民一槩看待爾等豈不聞知爾等  
若習性已成難更改動亦由爾等任意為之吾南調  
兩廣之狼達西調湖湘之土匪親率大軍圍爾巢穴  
一年不盡至於兩年兩年不盡至於三年爾之財力  
有限吾之兵糧無窮縱爾等皆為有翼之虎諒亦不  
能逃於天地之外嗚呼吾豈好殺爾等哉爾等苦必  
欲害吾良民使吾民寒無衣饑無食居無廬耕無牛  
父母死亡妻子離散吾欲使吾民避爾則田業被爾  
等所侵奪已無可避之地欲使吾民賄爾則家資為

爾等所擄掠已無可賄之財就使爾等今為我謀亦  
必須盡殺爾等而後可吾今特遣人撫諭爾等賜爾  
等牛酒銀錢布疋與爾妻子其餘人多不能遍及各  
與曉諭一道爾等好自為謀吾言已無不盡吾心已  
無不盡如此而爾等不聽非我負爾乃爾負我我則  
可以無憾矣嗚呼民吾同胞爾等皆吾赤子吾終不  
能撫恤爾等而至於殺爾痛哉痛哉與亡口至此不覺  
淚下

其二牌行廣東兵備兼分巡嶺東道計處進

剿方略

八月二  
十二日

照得撫屬龍川縣地名剎頭積年老賊池大鬚等不  
時糾衆突出河源翁源安遠龍南信豐等處攻打城  
池殺擄人口先年亦嘗征剿皆因預失防禦以致漏  
網後雖陽為聽招其實陰圖不軌班師未幾肆出劫  
掠數年以來民受荼毒控告紛紜有不忍言若不趁  
時計剿地方何以寧謐為此仰抄案回道會同分守  
守備等官卽行該府知府陳祥速將合用糧餉等項  
一面從長議處一面卽於所屬選集精壯驍勇曾經  
戰陣機快兵壯人等三千名少或二千名各備鋒利  
器械編成隊伍坐委素能謀勇官員統領一面密行

龍川河源等附近賊巢等縣亦各選募慣戰殺賊兵  
快二千名委官分押督同近巢知因被害義官新民  
頭目人等分截要路就仰知府陳祥總督諸軍親至  
賊巢去處指畫方略剋期進剿仍行先取知因鄉導  
數十人令其備將賊巢道路險易畫圖貼說要見某  
處平坦人馬可以直搗某處險阻可以把截某處係  
賊必遁之路可以設伏邀擊某處賊所不備可以間  
道撲掩各要一一詳察停當務盡機宜具由連圖差  
人上馬齎報以憑差官齎執令旗令牌剋期併力進  
攻必使根株悉拔噍類無遺以靖地方仍呈總督總

鎮鎮守巡按衙門知會

其三牌行嶺北道等官剋期進剿

正德十三年正

二月初二日

案照涇頭老賊池大鬚等不時糾衆攻打城池殺擄人口屢征屢叛近年以來陰圖不軌惡焰益熾除將賊首池仲容設計擒獲外其餘在巢賊黨若不趁機速剿不無禍變愈大地方何由安息本院已先密切分布哨道行仰知府陳祥統領典史姚思衡驛丞何春巡檢張行報効生員陳經世新民盧琢等官軍從和平入攻熱水巢五花障巢鐵石障巢直搗中涇大

巢知府邢珣統領知縣王天與典史梁儀并老人葉秀芳黃啓濟義官吳明等官兵從大平入攻芳竹湖巢白沙巢黃田坳巢中村巢直搗上涇大巢指揮姚璽統領新民梅南春等兵從烏虎鎮入攻淡方巢石門山巢直搗岑岡大巢指揮余恩統領百長王受黃金巢等兵從龍子嶺入攻溪尾巢塘涵洞巢古地巢空背巢直搗下涇大巢千戶孟俊統領義官陳英鄭志高新民盧琢等官兵從和平入攻平地水巢大門山巢黃狗坳巢直搗中涇大巢推官危壽統領義民葉芳百長孫洪舜等官兵從南步入攻脫頭石巢鎮

聖寨巢羊角山巢直搗中洲大巢知府季敦兵從信  
豐縣黃田岡入攻新田逕巢古地巢縣丞舒富兵從  
信豐縣烏逕入攻旗嶺巢頓岡巢及行仰守備指揮  
鄭文監督指揮姚壘余恩千戶孟俊等三哨官兵分  
路進剿本院亦自行督領帳下隨征官屬兵快人等  
從冷水逕直搗下洲大巢親自督戰刻期俱於本年  
正月初七日寅時四路並進外牌仰兵備副使楊璋  
不妨本道事務遵照本院欽奉 敕諭事理前去軍  
前紀驗功次處置糧餉及行催督各哨官兵依期進  
剿所獲功次務要審驗明白從實紀錄仍候巡按紀

功御史至日覆實照例造冊奏繳及造青冊一本送  
院查考其軍中一應進止機宜俱仰密切呈來定奪

其四牌行信豐縣主簿等把截竄道

正月  
初八

牌仰主簿譚聚璉督同義官何廷珂王綬張嶽謙張  
稽鍾漢鼎等官兵前去守把江尾陂頭樟木等隘賊  
行要路如遇奔賊就便嚴督相機截殺獲功解報官  
兵人等敢有不遵軍令臨陣退縮者許令本官以軍  
法從事本官務要奮勇竭力悉心守把毋得怯懦怠  
忽致令奔走定依軍法斬首決不輕恕



其五牌行督哨官

正月初十日

照得本院親率諸軍前去剿除龍南龍川泃頭等處  
叛賊除將各營官兵分布哨道指受方略刻期進剿  
外所據督哨官員擬合行委為此牌仰守備邗文知  
府邢珣即便前去泃頭等處賊巢催督前項各營官  
兵務要依期夾剿不得違誤其所擒斬俘獲并奪回  
男婦贓物牛馬等項俱仰先行解赴軍門以憑批發  
紀功兵備實驗紀錄各營官兵敢有臨陣退縮逗遛  
不進者卽以軍法從事各官務要悉心竭智往來嚴  
督圖爲萬全之策以收克捷之功如或逡巡怠忽致

有疎虞 國典具存罪難輕貸

其六牌行督理糧餉官

正月十一日

牌仰委官主簿于旺協同龍南縣知縣盧鳳督理該  
縣糧餉馬夫一應軍務官吏里老隸卒義民總小甲  
人等若有回抗不聽約束者就便遵照本院欽奉  
敕諭內事理許以軍法從事仍仰知縣盧鳳勵志虛  
心協和幹理毋得因循怠忽及彼此叅錯致有失誤  
罪不輕貸

其七牌委叅謀生員黃表

正月十三日

牌仰生員黃表齎執令旗令牌前往上下坪等處督

同百長王受謝鉞黃金巢并該地方義官里老總小  
甲謝俊玉丘隆謝鵬李積玉等父子鄉兵守把賊奔  
要路相機進剿兵夫人等但有臨陣畏縮退避者仰  
卽照本院欽奉 敕諭內事理許以軍法從事本生  
亦要悉心催督不得違誤致有踈虞及因而擾人罪  
不輕恕

其八牌行指揮金英等把截竄道

正月十  
三日

牌仰指揮金英卽便統領石背兵夫三百名前去太  
平堡等處督同陰陽官廖思欽等兵守把賊奔要路  
相機進剿獲功解報兵夫人等但有臨陣畏縮退避  
事本官務要悉心竭力毋得怠忽踈虞自取軍法重  
究

其九牌行河源始興翁源長樂四縣官分探

遁賊

正月二  
十日

查得河源始興等縣地方俱係賊奔要路已經牌仰  
委官把截相機擒捕近該本院親率諸軍剋期進剿  
前項巢穴悉已焚蕩首賊雖已盡擒而餘黨尚多奔  
遁探得皆逃河源始興等處藏頭各縣掌印捕盜巡  
司官吏平素因循怠弛不行嚴加把截本當拏赴軍

門治以軍法但今緊關用人之際姑且記罪督捕爲此牌仰該縣官吏作急選差垂覺人役分投爪探各賊潛遁何處星夜前來稟報一面嚴督官兵人等不分遠近相機擒捕解報務使根株悉拔噍類無遺如或坐視玩寇貽患地方定依軍法拏赴軍門斬首決不輕貸

其十獎勞知府陳祥邢珣等 二月二十八日

據知府陳祥邢珣等呈解拏斬涑頭賊人賊級并俘獲賊屬賊仗等項數目開報所據各官遵照方略奮勇協攻一月之間渠魁授首巢穴掃蕩忠勤備著功

勞可嘉合行獎勞爲此牌仰惠州贛州府官吏卽支在庫官錢買辦後開儀物備用鼓樂就差本府同知徐大用夏克義率領官吏師生送至惠州府知府陳祥通判徐璣龍川等縣典史姚思衡巡檢張行驛丞何春贛州府知府邢珣推官危壽等以勵敢勇之風 其十一牌仰留屯官兵 二月二十八日

牌仰典史梁儀等與同百戶周芳巡檢張行驛丞何春管領留屯官兵人等守禦涑頭地方務要申嚴號令整肅行伍關防出入禁止侵擾謹風火以備災除糞穢以防疾如有殘賊出沒就選精銳驍勇相機擒

捕獲功解報不得貪利窮追其餘兵衆仍須固守營  
場不許輕率妄動其白沙等處安插新民務禁下人  
不許驚擾若彼或有人來卽與慰勞撫諭各兵班滿  
之際務候本院差官前來點閱犒賞或就彼放回或  
引至贛州發遣中間敢有拒抗不聽約束輕則量照  
軍令究治重則綁解軍門斬首仍仰各官俱要協和  
行事一應機宜須聽典史梁儀照數收貯扣查給散  
事畢造冊通行繳報查考

其十二牌行龍南縣陞獎百長王受等

二月

二十九日

照得本院親統官兵剿平涑賊但恐撤兵之後餘黨  
仍復嘯聚除涑頭已留屯官兵責仰盧珂等把守為  
照牛岡高砂上蒙等隘俱係賊行要路查得老人葉  
秀芳等原在牛岡隘把截近因臨陣畏縮致賊奔逃  
當照軍法究治革退遂令伊弟葉秀聰頂替充為百  
長協同老人黃啓濟管領兵夫仍在原隘守把及照  
百長王受謝鉞王金巢等俱係誠心向善出力報效  
近復屢有戰功合將王受謝鉞陞為千長王金巢陞  
為百長以旌其功就仰王受統領新民總甲謝遜劉  
粗眉溫仲秀等兵夫與同謝鉞等在於高砂等隘把

截其劉遜等俱要稟聽王受節制中間若有不依約束者輕則量行責治重則綁解軍門治以軍法如遇殘賊出沒各役務要密切約會盧珂等併力夾攻獲功解報照例給賞為此牌仰龍南縣官吏即便備行出給印信帖文付與千長王受謝鉞百長王金巢老人黃啓濟百長葉秀聰總甲劉遜劉粗眉溫仲秀等各執照管束各手下兵夫新民各照分地方住劄守把有警互相策應毋分爾我致有違誤仍加省諭不許縱容下人生事今後新民里老人等俱不許擅受詞狀斷理敢有故違者不論應否曲直告者受者悉

行拏送軍門照依軍法斬首每月朔望各具不違結狀赴縣投遞查考仍行嶺北道守巡兵備守備官查照施行

其十三牌督惠州府建立縣治巡司及留屯

官兵

三月十五日

據副使楊璋僉事朱昂會呈於和平建立縣治泃頭移設巡司已經批仰設道會行各該府縣查照所議施行今照本院住軍泃頭已將兩月前項工程尚未見委何官督理其泃頭巡司雖經本院親督匠作起蓋官廳其餘公廨營房等項皆未完備及照盧珂等

新民至今未見復業陳英等兵夫至今未見解到本院回軍曾未兩日訪得留屯各兵已漸逃回止存贛州官軍兵快在彼守禦今四出殘賊難保必無似此踈墮懈弛萬一乘間嘯聚虎兇出柙誰任其愆為此牌仰本府官吏即將前項事情逐一上緊整理毋得彼此相推徒事文移往復苟求遮飾每月仍將建設縣隘等項見委某官管理曾否興工築造及泃頭巡司公廨營房之類有無添修完備隘夫人等曾否編發着役屯守各兵有無見在逃回俱要備開申報以憑查考如再因循懈怠縱無踈虞定行拏治叅究決

不輕貸

其十四牌委贛州府推官危壽

三月初五日

照得本院近因泃賊猖熾親督諸軍掃蕩巢穴而山深林密漏殄殘黨難保必無已經行令各官計處防禦去後今照本院回軍在邇雖已分布有緒必須調度得人看得推官危壽持身謹確處事詳慎先經領兵剿賊深入賊穴擒斬數多即今見署龍南縣印就合併委提調為此牌仰本官不妨縣事往來各隘經理整督其葉秀聰等兵夫務要拘集於南埠結屋屯劄守把不許仍在縣城潛住劉遜等兵夫亦要隨同

王受等住劄不得四散分住事無統紀各隘兵夫不時常與點聞間或犒賞以示懲戒激勵如有殘賊出沒即便督令各役併力夾剿其招撫新民張仲全等見在白砂安插亦要時常撫諭務使誠心向化遇有殘賊亦就督令出力報效毋得自存猜忌招致罪累仍戒各隘兵夫亦不得輒有侵擾致生驚疑該縣通賊奸細磊積吞併之徒罪在可誅未盡查究本官亦且暫行戒諭容令改革如有長惡不悛者遵照軍令輕則量行責治重則斬首示衆本官務要殫心竭力以副委任一應事機尚有計議未盡悉聽從宜區處

具由呈繳

其十五批汀州知府唐淳乞休申

三月十五日

據知府唐淳申稱患病乞賜放歸看得知府唐淳沉勇多智精敏有爲兼之持守能謹制事以勤近因本院調委領兵征剿南安諸賊效勞備至斬獲居多雖克捷之奏已舉而賞功之典未頒况汀州所屬多係新民投招未久反側無常正賴本官威懷輯撫以爲保障縱有微疾不便起居卽其才能豈妨卧治仰該府卽行本官不妨養疾照舊管事安心職務善求藥餌務竭委身之忠勿動乞休之念申繳

其十六告諭百姓

五月初一日

告諭百姓風俗不美亂所由興今民窮苦已甚而又  
競為淫侈豈不重自困乏夫民習染既久亦難一旦  
盡變吾姑就其易改者漸次誨爾吾民居喪不得用  
鼓樂為佛事竭貲分帛費財於無用之地而儉於其  
親之身投之水火亦獨何心病者宜求醫藥不得聽  
信邪術專事巫禱嫁娶之家豐儉稱貲不得討論聘  
財裝奩不得大會賓客酒食連朝親戚隨時相問惟  
貴誠心實禮不得徒飾虛文為追節等名目奢靡相  
尚街市村坊不得迎神賽會百千成羣凡此皆靡費

無益有不率教者十家牌鄰互相糾察容隱不舉正  
者十家均罪爾民之中豈無忠信循禮之人顧一齊  
衆楚寡不勝衆不知違棄禮法之可耻而惟慮市井  
小人之非笑此亦豈獨爾民之罪有司者教導之不  
明與有責焉至於孝親敬長守身奉法講信修睦息  
訟罷爭之類已嘗屢有告示懇切開諭爾民其聽吾  
誨爾益敦毋怠

其十七牌仰南安贛州府印行告諭

五月二十

照得有司之政風俗為首習俗侈靡亂是用生本院



近因地方多盜民遭荼毒驅馳兵革朝夕不遑所謂  
救死不贍奚暇責民以禮義哉今幸盜賊稍平民困  
漸息一應移風易俗之事雖亦未能盡舉姑先就其  
淺近易行者開道訓誨為此牌仰本府官吏即將發  
去告諭照式翻刊多用紙張印發所屬各縣查照十  
家牌甲每家給與一通其鄉村山落亦照屯堡里甲  
分散務遵依告諭互相戒勉共興恭儉之風以成淳  
厚之俗該府仍行各縣於城郭鄉村推選素行端方  
人所信服者幾人不時巡行曉諭各要以禮優待作  
興良善以勵末俗毋得違錯

其十八案行嶺北道禁約權商官吏

五月

照得商人比諸農夫固為逐末然其終歲棄離家室  
辛苦道途以營什一之利良亦可憫但因南贛軍資  
無所措備未免加賦於民不得已而為此本亦寬恤  
貧民之意柰何奉行官吏不能防禁姦弊以致牙行  
橋子之屬騷擾客商求以寬民反以困商商獨非吾  
民乎除另行訪拏禁約外仰抄案回道即便備行收  
稅官吏今後商稅遵照 奏行事例抽收不許多取  
毫釐其餘雜貨俱照舊例三分抽一若資本微細柴

陽明錄卷九  
炭雞鴨之類一槩免抽橋子人等止許關口把守開  
放不得擅登商船假以查盤為名侵凌騷擾違者許  
赴軍門口告照依軍法拏問其客商人等亦要從實  
開報不得聽信哄誘隱匿規避因小失大事發照例  
問罪客貨入官及照船稅一事亦被總甲侵擾今後  
官府合行船隻俱要實價給顧就行抽分廠查給稅  
帖以防詐偽該道仍將應抽免抽逐一查議則例呈  
來

其十九批贛州府賑濟石城縣中

五月十

據贛州府申石城縣水旱相仍兼係僻地穀價湧貴

合令知縣林順查勘賑濟看得所申賑濟既該府議  
許中戶糴買下戶給散准如所議施行今出糴之數  
止及一千而坐濟之民不知幾許附郭者得遂先獲  
之圖遠鄉者必有不霑之惠近日贛縣發倉其弊可  
見仰行知縣林順會同先委縣丞雷仁先選該縣殷  
實忠信可托者十數輩不拘生員耆老義民各給斗  
斛候遠鄉之民一至即便分曹給散仍選公直廉明  
之人數輩在傍糾察如有寅緣頂冒即時擒拏照議  
罰治庶幾小民得蒙救急之惠而遠鄉可免久候之  
難事完具由回報繳

其二十批廣東兵備官河源餘賊呈 五月十三日

據僉事王大用呈河源朱峒吳天王曹總兵鄧都督等一十三圍井上下二山共有先鋒三千餘兵五府六部俱全聲言起城立殿勢盛猖獗看得所呈各賊聚兵三千設官僭號即其事勢亦豈一朝一夕之故而各該府縣等官前此曾無一言申報據法即合拏究但稱所呈亦據傳聞未委虛的又慮萬一果如所呈各該官吏正在緊關剿截之際姑且俱未參提仰該道再行查勘的實果如前情即便一面嚴督各該

官司加謹防遏一面議處機宜或移夾剿之回師或促候調之狼卒度量緩急相機而行如其事未猖揚情猶可撫亦要周防安插區處得宜俱仰火速具由呈來以憑議奏仍呈總督巡按等衙門公同計議施行呈繳

其二十一 批嶺南道議處河源餘賊呈 五月

十四日

據僉事王大用呈惠州府河源縣前賊實慮復出各民懇告順掣樂昌等處回師征剿恐難濟事合會嶺東嶺南守巡等官各嚴督把截相機撫捕以圖後舉

看得河源等處賊情本院屢經批仰該道會同守巡等官從長計議相機剿捕今復據呈看得賊勢漸盛民患日深該道既以兵力勞億勢未能克卽須會同守巡守備等官或親至賊巢或於附近賊巢處所屯劄選差知因通賊曉事人役齎執告示榜文權且撫諭各賊委曲開譬或姑賜以牛酒銀布耕具種子之類令其收衆入巢趁時耕作因使吾民亦得暫免防截之役及時盡力農畝一面選兵勵士密切分布哨道候收斂已畢各巢亦積有糧米然後的探虛實剋期並舉出其不趨掩其不備是乃籍兵於民因糧於

賊非獨可以稍紓目前之急亦因得以永除日後之患矣今若兵力不足既未能剿又不從權撫挿任其出沒往來則非惟民不安生窮困愈甚抑且賊亦失其農業衣食不給若非擄掠何以爲生是所謂益重吾民之苦而愈長羣賊之奸兵糧日耗後欲圖之功愈難矣仰該道會同守巡守備等官上緊議處施行回報毋得徒事往復致釀後艱其各該官司兵快人等不論或撫或剿俱要時時操練整束密切隄備不得縱弛致有疎虞

其二十二欽奉

敕諭協剿廣東清遠等處

賊

七月二  
十一日

節該欽奉 敕廣東清遠從化後山等處與爾所轄南韶等府壤地相接事體互有相關近該彼處鎮巡官奏稱盜賊生發師行有日如遇彼處行文徵兵協剿亦要隨即發兵前去防剿應援以收全功毋得自分彼此致失事機欽此欽遵照得南雄府界連南贛大庾信豐龍南等縣而惠州河源興寧亦各逼近賊巢俱係緊關奔逐潛匿之處進攻防截之路訪得前賊為患日久雖奉 成命徵兵協剿誠恐賊計狡猾詐變東追則西竄南捕則北奔若不早為查處未免

有誤軍機為此仰抄案回司會同三司掌印官及各該守巡兵備等官上緊調集兵糧聽候剋期防剿并將應剿賊巢通行查出行拘熟知地利險易鄉導責令畫圖貼說要見某巢連近某處鄉落某巢界抵某處良善村寨某處係是善惡相兼某處平坦可以直搗其處險阻可以把截某處係賊必逐之路可以設伏邀擊某處賊所不備可以間道掩撲何處官軍可以起調何官可以委用可以監統糧餉何處措辦住劄何處聽候各要查處停當備由馬上差人飛報本院以憑遵照欽奉 敕諭與各該鎮巡官計議而行

其有軍中一應進止機宜亦要明白呈報毋分彼此  
致有踈虞國典具存罪難容恕仍呈總督總鎮鎮守  
巡按衙門知會

其二十三案行廣東嶺東兵備道議剿河源

巢賊 八月十一日

據廣東嶺東道僉事朱昂等會呈河源縣賊巢一十  
三處勢相聯絡互為應援賊首吳何俊等并帽子峰  
賊首譚廣護等招亡納叛不止二千餘衆累招累叛  
荼毒生靈况又僭稱天王總兵都督等號罪惡滔天  
人神共怒必須請調大兵剿絕根苗庶足以雪軍民

之冤但此點賊性尤兇惡必藉狼兵可以搗巢攻克  
大約以軍兵二萬有餘方克濟事合行布政司查議  
軍餉并賞功等項銀兩等因又據惠州云云看得賊  
衆兵寡委難集事但動調狼兵亦利害相半况開報  
賊巢前後不同合用糧餉俱合係行查處為此仰抄  
案回道會同各守巡兵備等官將前巢穴再行備細  
查訪若果賊巢衆多官兵分哨不敷必須添調狼兵  
仰即徑自呈請該省總督等衙門上緊起調若見在  
官兵略已足用可以不調狼兵亦免騷擾地方就仰  
選委謀勇官督同府衛縣所等官將各漢達官軍兵

快鄉夫預先起集選練於該府及近賊縣分密切屯  
劄勿令張揚候剋期已定然後晝伏夜行出其不意  
併擊合剿合用糧餉賞功等銀備行廣東布政司查  
照上年大攻事體及時措備毋致臨期誤事如是兵  
糧措置俱已齊備仰卽馬上差人飛報軍門以憑親  
臨督戰或差官齎執令旗令牌分督進剿其各賊奔  
遁關隘相應江西防截者亦要上緊查報以憑調發  
各無稽遲致有失誤 國典具存決難輕貸先選熟  
知情由三四人赴軍門聽用軍中一應進止或未盡  
機宜應呈報者亦宜上緊呈報仍呈總鎮鎮守巡按

等衙門查照知會

其二十四案行江西嶺北道區畫軍餉

月八

十四日

敕諭一應軍馬錢糧事宜俱聽便宜區畫以足軍餉  
欽此欽遵照得近因夾剿上猶桶岡等賊糧餉無措  
當時仰賴 朝廷威德兩月之間偶幸克捷不然必  
致缺乏今各巢雖已掃定而遺黨竄伏難保必無况  
廣東後山等處方議征剿萬一奔決過境調兵遏剿  
糧餉爲先查得見行措置軍餉以防民患事例今後  
江西南贛等府有兵備去處各該軍衛有司所問囚

犯審其家道頗可者不拘笞杖徒流并雜犯死罪各照做工年月每日折收工價銀一分送府收貯以備巡撫衙門軍情緩急之用雖有別項公務不得擅支仍要按季申報合干上司以憑稽考等因照得近來官吏因循不行查照槩將問追工價等銀俱稱類解買穀遂致軍餉無備甚屬故違且訪前項銀兩埋沒侵漁甚衆今姑未查究再行申明仰抄案回道着落當該官吏并行南贛二府衛所縣今後奉到問理笞杖徒流雜犯絞斬等項罪囚有力納米照舊外其家道頗可者俱要查照見行事例折納工價俱收貯該

府以備本院軍情緩急敢有故違者定行叅以贓罪決不輕貸仍仰各置文簿二扇按季循環開報查考毋致隱匿仍呈撫按衙門知會

其二十五案行廣東布按二司添設縣治

十月十九日

准兵部備咨該本院題該本部覆題設縣治以保安地方事卷查先經會同 欽差巡按廣東監察御史毛鳳各另具本奏 請定奪間續准戶部咨內開煩為會同兩廣撫按會委各道守巡等官督同各該府縣掌印正官上緊親詣前項地方再行從公相度堪



以營建處所其工作人匠夫役等項責令何處出辦  
應用材木磚瓦等料動支何項銀兩收買人匠工食  
於何處支給坐委何衙門官員專一董理務要查明  
議處穩便具結回報各撫按衙門另行會奏以憑上  
請其選官給印等項候營建略有次第備由咨來本  
部具 奏移咨吏禮二部銓官鑄印施行等因為照  
前項添設縣治已該兵部覆議相應別無違礙擬合  
通行為此仰抄案回司即行該道守巡等官作急選  
委府縣佐貳能幹官員先將添設縣治事宜詳加議  
處原議竹木於和平瀨頭各山採辦及於龍川縣并

河源縣惠化都起夫應用外其磚石灰瓦等料及各  
色匠作工食備細估計通該價銀若干扣除清出賊  
占典賣田價若干可支餘於惠州府庫堪動官銀補  
給務要轄處停當便就委官分理速將城池衙門學  
校倉廩牢獄鋪舍街道等項作急築造務使堅固經  
久毋得虛應故事其餘分割都圖及編僉隘夫添設  
隘所事宜悉憑本院所奏徑自施行先取該道委官  
職名估計數目呈報以憑稽考仍呈總督總鎮鎮守  
巡按衙門知會

其二十六批福建漳南道議處深田巢賊呈

十二月  
初三日

據兵備僉事周期雍呈深田半砂等處負山濱海地僻人稀以致賊徒誘結勢漸猖獗今雖議立軍堡一時未得完工合行署都指揮僉事侯汴暫且住劄南韶設法擒捕候軍堡已完行令遵照欽奉 敕諭前住武平縣駐劄看得所呈深田等處盜賊日漸猖熾各該巡捕等官因循坐視致令滋蔓俱合拏赴軍門但當用人之際姑且記罪仰該道嚴加督捕務在目下靖絕以功贖罪及照該道原議設立軍堡十處每堡軍兵不過二三十人勢分力弱恐亦不足以振軍

威而扼賊勢仰會同守備官再加酌量如是軍堡工費浩大且可停止將各堡該戍軍兵分作兩營選委謀勇官二員分統於各該盜賊出沒地方絡繹搜捕每月限定往來次數就仰經過縣分按月開報兵備官處不時考較督責其設立軍堡止於每日程途所到去處建立一所以備宿歇非獨省費易舉亦且勢并力合地方可恃以無恐盜賊聞風而自息矣但事難遙度該道仍須詳審計議一面呈報務求至當亦無苟從再照前項地方盜賊日盛備禦未立准議暫委守備侯汴前往南韶住劄嚴督剿捕以靖地方

稍俟武備既設施行有次仍舊還歸武平住劄該道  
照議批呈事理即便備行本官查照施行俱毋違錯  
其二十七欽奉 敕諭處置湖廣郴衡徭賊

十二月  
十二日

節該欽奉 敕該兵科給事中周文熙奏湖廣郴衡  
地方徭賊不乘時處置抑恐遺孽復滋重貽後患乞  
要推舉撫治憲臣一員前去會同湖廣廣東江西鎮  
巡三司等官相度事宜或添設衛所縣治或置立屯  
戍屯堡或仍敕爾每年於春夏在南贛等處秋冬在  
郴衡等處住劄整理庶幾委任專一有備無患等因

該部議謂宜如所奏施行今特敕爾親詣郴衡等處  
地方照依周文熙所奏并查照御史王度唐廉及僉  
事顧英等建言事理從長議處定立長治久安之法  
應施行者徑自會同各該鎮巡等官從長施行事體  
重大者奏請定奪爾為風憲大臣受茲委托尤宜廣  
詢博訪擇善而行務使盜息民安地方有賴欽此欽  
遵卷查先准兵部咨為圖議邊方後患事該兵科給  
事中周文熙奏該本部覆奏該本部覆已經案仰湖  
廣都布按三司即行該道守巡兵備等官相度山川  
險易之勢諮詢賊情起伏之由查照各官建言事理

從長議處方略要見某處可以開建縣治某處相應  
添設衛所某處營堡宜修某處道路宜開備詢高年  
有識務宜土俗民情如或開建添設等項有勞於民  
無補於事亦要明白聲說毋拘成議附和雷同別有  
防奸禦患長策俱要備細呈奪毋憚改作仰惟 朝  
廷采納羣策非徒苟為文具諒在各官協心承委決  
無了塞公移務竭保民安土之謀共圖久安長治之  
策應施行者便就具由呈來以憑會議施行若有事  
體重大該具奏者亦即呈來奏請定奪去後今奉前  
因擬合通行為此仰抄案回司即行掌印并各該道

守巡兵備守備等官一體查照欽遵作急議報施行  
毋得稽遲仍行鎮守巡撫總督總鎮巡按衙門知會

其二十八告諭父老子弟

正德十四年  
二月初一日

頃者頑卒倡亂震驚遠邇父老子弟甚憂苦騷動彼  
宜頑無知逆天叛倫自求誅戮究言思之實足憫悼  
然亦豈獨此真頑之罪有司者撫養之有缺訓迪之  
無方均有責焉雖然父老之所以倡率飭勵於平日  
無乃亦有所未至歟今倡亂渠魁皆就擒滅脅從無  
辜悉已寬貸地方雖已寧復然創今圖後父老所以  
教約其子弟者自此不可以不預故今特為保甲之

法以相警戒聯屬父老其率子弟慎行之務和爾鄰里齊爾姻族德義相勸過失相規敦禮讓之風成淳厚之俗本院奉 命撫巡茲土屬有哀疚未遑匍匐來問父老疾苦廉有司之不職究民之利弊而興除之故先遣諭父老子弟使各知悉方春父老善相保養督子弟及時農作毋惰

其二十九案行福州等六府行十家牌法

二月十六日

本院奉 命巡撫福建等處地方思欲禁革奸弊安養小民以期無負委托之重顧才力短淺知慮不及

雖切愛民之心未有及民之政照得本院舊撫南贛汀漳等處訪得所屬軍民之家多有窺圖小利寄住來歷不明之人同為奸究兼之有司訓養無方淫侈競作而民偽日滋禮教不興而風俗日壞頑梗之速率賊盜之繁多皆原於此已經行仰各府所屬各縣在城居民每家各置一牌備寫門戶籍貫及人丁多寡之數揭於各家門首以憑官府查考仍團編十家為一牌開列各戶姓名背寫本院告諭日輪一家沿門按牌審察動靜但有面目生疎之人踪跡可疑之事及違犯戒諭者即行報官究理或有隱匿十家連

罪如此庶居民知所趨向而奸偽無所潛容施行既  
久人所稱便所據福州等府屬縣民俗大抵相同應  
合通行編置及照汀漳二府雖已先行刊給曉諭尤  
恐有司虛文搪塞頑民罔知遵守亦各再行申督禁  
諭爲此仰抄案回府卽行屬縣分着落各該掌印官  
將領去告諭依樣翻刊戶給一張及照十家牌式逐  
巷隨村挨次編置務在一月之內了事仍於各縣耆  
老中推選年高有德爲衆所服者五六月官府優加  
禮待委令每日沿街曉諭稽考不舉行者卽時送官  
責治該府亦要嚴加督察各屬期於着實施行毋使

虛應故事仍令各將編置過緣由依限差人繳報以  
憑查考非獨因事以別勤惰且將旌罰以示勸懲

其三十牌行龍川縣撫諭新民

三月十八日

先據推官危壽并龍川縣各申依奉本院鈞牌將新  
民盧源陳秀堅謝鳳勝等安插和平及撥田地耕種  
并拘仇家當面開釋各安生理毋相構害緣由近訪  
得各民因聞廣東征剿從化等賊自生疑惑東逃西  
竄致令和平居民因而驚擾似此互相扇惑地方何  
時寧靖本當拏究爲首之人綁赴軍門斬首示衆但  
念各民意亦無他姑且記罪曉諭爲此牌仰龍川縣

掌印官卽將投城居民諭以前項聽撫新民俱已改惡從善止因廣東調兵征剿居民素懷仇隙者因而假此恐嚇致令東奔西竄各民意在避兵本非叛招出劫爾等毋得妄生驚疑及差人拘集新民盧珂陳秀堅等諭以廣東官兵征剿各有界限爾等緣何輕信恐嚇妄自驚竄俱各省令回原村寨安居樂業趁此春和各務農作仍諭盧源陳秀堅謝鳳勝等各要嚴束手下甲衆各念死中得生之幸悔罪畏法保爾首領如或面從心異外托驚懼之名內懷反覆之計自求誅戮悔後何及

其三十一牌委叅隨何圖撫諭新民

四月初三

訪得和平地方居民因見招撫新民盧源等在彼安插不思各民已是向化之人却乃各將房屋毀棄田地拋荒挈帶妻子投城住坐以致新民各懷疑忌欲行奔遁該縣官吏不聞禁約處置又不申稟本院本當究治姑記查處爲此仰叅隨何圖前去龍川縣會同掌印官卽便拘集前項居民坐委佐貳官一員公同押領前去原住地方各令選擇便利高要去處結寨團住仍各推保衆所信服寨長一名時常鈐束寨

丁謹守法度各務農耕毋致失業驚擾各寨仍置大鼓一面柳鈴數付每夜輪流寨丁支更巡邏以防不測及仰撫諭所招新民誠心改行各安生理毋得妄生驚擾彼此扇惑如有故違定行拏赴軍門治以軍法决不輕貸

其三十二案行嶺北道禁革商鹽

四月十三日

准戶部咨該本院題該本部覆查議得南贛盜賊已平而廣東事情緩急未定其前項龜角尾所立抽分亦經題奉 欽依裁革合咨本官及咨都察院轉行巡按江西廣東監察御史將廣東海北二提舉司鹽

許南贛二府發賣其袁臨吉三府不許輒擅行賣如有違者不拘有引無引鹽進入官人犯照例問發前項抽分商稅去處亦查照先奉 欽依事理卽為停革不許私稅以便客商正德十四年二月初三日太子少保戶部尚書石等具題奉 聖旨是欽此欽遵擬合就行為此仰抄案回道備云該部題奉 欽依內事理東西二河鹽商所販鹽引止許於南贛發賣不許違例越下袁臨吉三府如有犯者着巡司地方人等挨拏照例問罪沒官其抽分商稅凡在停革之例者悉行查革仍將禁革商鹽緣由申報查考



其三十三咨湖廣巡撫都御史秦會定縣治

摘撥屯軍

五月二十日

准兵部咨云云續照湖廣按察司呈奉巡撫湖廣都御史秦案驗為計處地方以弭盜賊事准本部咨該本院題備由呈報及移咨到院案候間今准前因為照添設縣所查處更夫并設屯堡置巡司等項事宜俱奉有成命况皆經巡撫衙門悉心區畫各已慮無遺策豈能別有議處惟稱分割乳源樂昌二縣里分節行廣東該道會勘未報尚恐兩省各官未免互分彼此不肯協和成事必須貴院不憚一行親臨其

地約會總督兩廣軍務都御史楊面會一處庶幾兩省之事可以一言而決及照建立三屯摘撥湖廣各衛所官軍協同巡檢弓兵守把一節以今事勢而論亦為久長之防但訪得各衛所官軍皆有安土重遷之懷無故摘撥致有奏告推搪非惟無補於防禦兼且徒益於紛擾似須更為一處必使人情樂從庶幾事功易集本職見奉 朝命前往福建巡視地方處置軍人作亂事情不日啓行必須遵照 敕旨候事完回日方可親詣郴衡地方面會貴院議處但恐曠日彌久行事益遲為此合咨貴院煩請先為查處施

行

欽奉 敕諭查處福州叛軍 共二條

其一牌行福州等八府 六月初八日

照得當職節該欽奉 敕福州三衛軍人進貴葉元保等脅衆謀反隨該鎮巡等官設法擒獲今特命爾不妨提督原任前去彼處地方將前項事情用心查議處置軍衛有司官員平時不能撫巡處通行查究情輕者就便拏問情重者差人解京問理干礙方面官叅奏提問罰治事干鎮巡官指實咄不奏凡可以兼濟軍民有益地方行之久遠無弊者臨阻宜斟酌施行一

應事宜敕內該載不盡者聽爾便宜處置欽此除欽遵外為照福建所轄八府一州五十三縣道路遼遠一時未能通歷所據地方利弊各該守令在任既久必能周知合行采訪庶可從宜區處為此牌仰本府官吏即將本府并所屬地方凡有利所當興弊所當革可以行之久遠者務要用心咨訪停當從實簡切開具印信揭帖就仰掌印官親齎前赴省城都察院面議可否以憑施行毋得違延取究不便

其二牌委千百戶孫裕膺芳祝震王儀 六

初八日

照得本院見往福建公幹所有講來贛州教場操備  
寧都等縣兵快雖分四哨管領已有定規惟恐本院  
遠出因而懈怠廢弛頭目人等亦或受財放逸必須  
委官管領操備為此仰千百戶孫裕等各照軍門原  
分哨分用心管領不時操練務使行伍整肅武藝精  
通中間若有拒頑不聽約束者輕則量行責治重則  
論以軍法斷處其各兵快義官百長人等口糧各照  
近日減去五分則例每月人各二錢義官百長各三  
錢五分總小甲各二錢五分俱仰前去贛州府支給  
亦不許冒名頂替關支查訪得出定行支給還官仍  
問重罪發落承委各官務稱委托不得假此生奸擾  
害未便

優獎致仕縣丞龍韜牌

八月初九日

訪得贛縣致仕縣丞龍韜平素居官清謹迨其老年  
歸休遂致貧乏不能自存薄俗愚鄙反相譏笑夫貪  
汙者乘肥衣輕揚揚自以為得志而愚民競相歆羨  
清謹之士至無以為生鄉黨鄰里不知以為周恤又  
從而笑之風俗薄惡如此有司者豈獨不能辭其責  
孟子云使饑餓於我土地吾恥之是亦有司者之恥  
也為此牌仰贛州府官吏即便措置無礙官銀十兩

陽明先生別錄卷之九  
米二石羊酒一付掌印官親送本官家內以見本院  
優恤獎待之意仍仰贛縣官吏歲時常加存問量資  
柴米毋令困乏嗚呼養老周貧王政首務况清謹之  
士既貧且老有司坐視而不顧其可乎遠近父老子  
弟仍各曉諭務洗貪鄙之俗共敦廉讓之風具依准  
并措送過繳牌

陽明先生別錄卷之九

陽明先生別錄卷之十

公移三

平寧藩叛亂上

共八十八條

其一牌行贛州府集兵策應

正德十四年  
六月十八日

照得本院奉 勅前往福建公幹於六月初九日自  
贛州啓行由水路十五日至豐城縣地名黃土腦節  
據知縣顧似等并沿途地方總甲等稟報江西省城  
突然變亂撫巡三司等官俱遭拘執殺害遠近軍民  
甚是驚惶再三阻遏本院且勿前進本院原未帶有  
官軍勢難輕進欲馳還贛州起兵則地里相去益遠

已暫回吉安府就近住劄一面調度兵糧號召義勇  
一面差人分投爪探的確另行外爲此牌仰本府官  
吏照牌事理并行附近衛所各行所屬起集父子鄉  
兵軍餘人等晝夜加謹固守城池以保不測仍仰知  
府邢珣查將貯庫錢糧盡數開具印信手本先行呈  
報毋得隱匿一面行取安遠等縣原操不論上下班  
次官兵各備鋒利器械通到教場日逐操練重加犒  
餉選委謀勇官員管領聽候本院公文一至卽刻就  
便發行敢有違誤定以軍法處治决不輕貸

其二牌行南昌吉安袁州臨江撫州建昌饒

州廣信南安九江南康瑞州十一府集兵策

應

照得本院云爲此仰本府官吏照牌事理并行附  
近衛所各要起集驍勇精壯父子鄉兵機快軍餘人  
等多備鋒利器械委官管領操演武藝固守城池聽  
候本院公文調發相機防剿仍一面多方差人四散  
爪探緩急聲息飛報本院知會毋得失誤罪及未便

其三案行吉安府權處兵糧

六月二十日

據贛縣興國永新等縣縣丞等官李福雷鳴嶽等呈  
稱各蒙差押糧里裝運正德十三年允准糧米到於

吉安水次聽候交兌經今數月未見糧船回還况今  
省城變亂被將各處兌米盡行搬用恐被奸人乘機  
越來搬搶等因到院爲照所呈係干允准錢糧合行  
處置爲此仰抄案回府即便處置空閑倉廩或寬濶  
寺觀去處令各糧里暫將運來允准糧米收囤候官  
軍回日聽其交兌毋得遲誤致有他虞仍行管糧官  
知會

其四牌委福建都布按三司照處本地叛軍

六月二十五日

照得本院於正德十四年六月初五日奉 勅前往

福建公幹已於本月初九日自贛州啓行由水路於  
本月十五日行至豐城縣地名黃土腦節據地方總甲  
人等稟報本月十四日江西省城突然變亂及聞撫  
巡三司等官俱遭拘執殺害人心十分洶洶本院原  
未曾帶有官軍勢難輕進除就近暫回吉安地方住  
劑一面分投差人爪探的確及仰臨江等府衛起集  
鄉兵固守城池以候調發進剿外所據兵部前後咨  
到福建一應事情公文俱已查照備寫明白若候撫  
臨之日發行未免遲悞擬合先行查處爲此牌仰都  
布按三司即將發去後項公文各仰遵照作急查處

停當聽候本院處置江西地方稍有次第前來覆議  
會奏施行毋得違誤仍呈鎮巡等衙門知會

其五牌行吉安府查理饋送鎮守物價 月六

二十日

據吉安守禦千戶所旗甲馬思稟稱蒙所批差領解  
鎮守江西太監王發買葛布價銀三封及本所出  
備葛布折銀并貢獻禮銀共三百兩前赴本鎮今因  
途阻不敢前去等情參照該所掌印官既該鎮守衙  
門發銀買布若勢不容已只合照價兩平收買為當  
乃敢不動原封分外備辦禮銀饋送若非設計巧取

必是科尅旗軍事屬違法本當叅拿究問但今江西  
變亂姑行從輕查理為此牌仰吉安府即查前項布  
價并見禮務見的確如稱各軍名下糧銀就仰會同  
該所唱名給散取領備照若是各官自行出備合行  
收入官庫聽候軍餉支用毋得縱容侵收入已及查  
報不實未便

其六牌行贛州府調發官兵 六月二  
十一日

案照已經行仰贛州府速將原操官兵取赴教場操  
練聽候調發去後今照前因合行調用為此牌仰本  
府官吏即將見在兵快人等各帶鋒利器械委官統

領就於官庫錢糧支給行糧并顧船裝送不分雨夜兼程前赴軍門調用如或遲誤定以軍法論處決不輕貸其餘各縣未到兵快亦就分差催調通赴教場操練聽候調遣毋得遲誤不便

其七咨兩廣總制都御史楊共勤 國難

節該欽奉 勅福州三衛軍人進貴等脅眾謀反特命爾暫去彼處地方會同查議處置叅奏定奪欽此欽遵於六月初九日自贛啓行於本月十五日行至豐城縣地名黃土腦據知縣顧似等稟稱本月十四日寧府將巡撫孫都御史許副使等官殺死巡按及

三司府縣大小官員不從者俱被執縛各衙門印信盡數收去庫藏搬搶一空聲言直取南京一百分兵北上各官競沮本職不宜輕進本職自顧單旅危途勢難復進方爾回程隨有兵卒千餘已夾江並進來追偶遇北風大作本職亦張疑設計整舟安行兵不敢逼幸而獲免本月十八日回至吉安府據知府伍文定等稟稱地方無主乞留暫爲區畫遠近居民亦皆遮擁呼號隨又據臨江府并新淦豐城奉新等縣各差人飛報寧府遣兵四出攻掠拘收印信等因本職奉有前旨欲遂徑往福建但天下之事莫急於



君父之難若彼順流東下萬一南都失備爲彼所襲  
彼將乘勝北趨動搖京輔如此則勝負之筭未有所  
歸此誠天下安危之大機慮念及此痛心寒骨義不  
忍舍之而去故遂入城撫慰軍民督同知府伍文定  
等調集兵糧號召義勇定謀設策收合渙散之心作  
起忠義之氣牽其舉動而使進不得前搗其巢穴而  
使退無所據庶幾叛逆可擒大難可靖本職自惟弱  
劣多病屢疏乞休况地方之責亦非本職原任今茲  
扶疾赴閩實亦意圖便道歸省適當君父之急不忍  
失此事機姑復暫留期紓 國難除具奏外爲照前

項事情係國家大難存亡所關雖經起調吉安等府  
兵快非惟武藝無素尤恐兵力不敷必須添調兵馬  
方克濟事照得南韶惠潮等府各有慣戰精兵堪以  
調用擬合移咨督發爲此合咨貴院煩爲選取驍勇  
精壯兵快夫款打手人等大約四五千名各備鋒利  
器械選委謀勇膽畧官員或就委嶺南道兵備僉事  
王大用監統給與各兵行糧不分雨夜兼程前來共  
勤 國難諒貴院素秉忠孝之節久負剛大之氣聞  
此必將奮袂而起秉越長驅當在郭汾陽之先肯居  
祖士遠之後哉紛擾之中莫罄懇切惟高明速圖之

其八案行廣東布政司共勤 國難

節該云

具奏外仰抄案回司會同都按二司轉行

各道并呈鎮守撫按等衙門各一體查照知會施行

其九案行福建布政司督兵防截

節該云

奏外及照福建浙江係江西隣省今寧府

逆謀既著彼若北趨不遂必將還取閩浙若不先行

發兵乘間搗虛將來之悔噬臍何及除行湖廣廣東

及行漳南道即將見在上杭教場操練兵快并取漳

州銃手李棟等責委謀勇官員統領直抵本院住劄

吉安府隨兵進剿外仰抄案回司會行都按二司轉

行各道并行鎮巡等衙門各一體查照知會選委忠

勇膽畧堂上官督令於交界地方加謹防截相機夾

剿仍知會浙江都布按三司一體遵照施行俱毋違

錯

其十案行福建漳南道預備赴調兵船

節該云

濟事爲此仰抄案回道即將前項見在上

杭教場操練精壯兵快人等大約四五千名并取漳

州銃手李棟等一起各帶隨身鋒利器械責委謀勇

官員統領就於汀漳官庫錢糧支給各兵行糧計算

日期兼程不分雨夜直抵本院住劄吉安府隨兵進

剿仍備行瑞金縣查支官錢預先雇辦船隻伺候裝  
送經過去處敢有兵快人等擅取民間一草一木或  
在途延緩及不聽約束者就仰領兵官照依軍法論  
處其用船隻裝送去處若該縣臨期失誤亦就指名  
叅呈以憑拿赴軍門斬首決不輕貸仍將支過各兵  
行糧起程日期委官職名先行呈繳

其十一咨巡撫湖廣都御史秦吳共勤 國

難

節該云 方克濟事為此合咨貴院煩為選取驍勇  
精壯曾經戰陣軍兵及土官素抱忠義不與逆黨交

通者大約一二萬名選委謀勇膽略方面官員分領  
仍煩專員院親督兼程前來共勤 國難諒貴院素秉  
忠孝之節久負剛大之氣聞此必奮袂而起秉鉞長  
驅當在郭汾陽之先肯居祖士遠之後哉紛擾之中  
莫罄懇切惟高明速圖之

其十二咨都御史李共勤 國難

節該云 奏外照得南畿係 朝廷根本重地今寧  
府逆謀既著北趨不遂必將圖據南都若不早為之  
所誠恐噬臍無及為此合咨貴院煩為選取所屬驍  
勇精壯曾經戰陣軍兵及民間義勇約二三萬名選

委謀勇膽略官員分領會約鄰近郡省合勢刻期仍  
煩貴院親督兼程前來共勤 國難諒貴院忠孝自  
許剛大素聞當茲主憂臣辱之時必將奮袂而起秉  
鉞長驅自有不容已者矣紛擾之中莫罄懇切惟高  
明速圖之

其十三咨南京兵部集謀防守

節該 云 奏外為照前事係天下非常之變 宗社  
安危之機雖今備行江西吉安等府及湖廣福建廣  
東等處調集軍兵合勢征剿外但彼聲言欲遂順流  
東下竊據南都看得長江天險南北之限留都根本

咽喉所關雖以 朝廷威德人心効順逆謀斷無有  
成但其譎奸陰圖已非一日兼聞潛伏奸細於京城  
期為內應萬一預備無素為彼所掩震驚遠邇噬臍  
何及為此合咨貴部煩為通行在京大小衙門會謀  
集議作急繕完城守簡練舟師沿江以防不虞之  
襲檄旁郡以張必討之威先發操江之兵聲 而西  
約會湖相互為掎角本職亦砥鈍策駑牽躡其後以  
義取彙以直加曲不過兩月之間斷然一鼓可縛仰  
惟高明速圖之

其十四告示軍民

六月二  
十二日

示仰遠近城廓鄉村軍民人等近日倡亂之徒上逆天道下失人心本院駐軍於此已有定計勤王之師四面已集仰各安居樂業毋得驚疑敢有私自搬移因而扇惑擾攘者地方里甲人等綁赴軍門治以軍法其有忠義豪傑能獻計効力願從義師擊反叛者俱赴軍門投見

其十五牌行南安府調發官兵

六月二十四日

案照已經行仰南安府起集驍勇兵快委官管領操演聽候調發防剿擬合行取為此牌仰本府官吏即將原開單內曾經戰陣兵快及取峯山弩手一百餘

名各備隨身鋒利器械就於庫內官錢給作行糧行委推官徐文英統領仍顧船裝送不分雨夜兼程前赴軍門聽候調用此係急剿謀叛事關宗社安危非比尋常賊情毋得稽遲時刻斷以軍法處斬兵快人等敢有在途延緩不聽約束者就仰遵照本院欽奉勅諭事理即以軍法從事

其十六牌諭臨江府知府戴德孺等合勢進

剿

六月二十五日

屢據差人稟報足見本官忠誠爲國今逆黨上悖天道下失人心勤王之師四面已集忠孝豪傑憤激

警應成擒不久仰府縣整集兵馬聽候本院指日東  
下面授約束合勢進剿軍民人等但有私通逆黨陰  
來游說及違犯號令退縮觀望者仰照本院欽奉  
勅諭事理即以軍法從事嗚呼主憂臣辱主辱臣死  
凡有血氣孰無是心仍諭槩縣父老子弟使各知悉  
同舉伐叛之師共收勤王之績

牌行袁州知府徐璉等瑞州通判胡堯元等新淦  
知縣李美等奉新知縣劉守緒等豐城知縣顧似  
等靖安知縣萬士賢等新昌知縣王廷等撫州知  
縣陳槐等高安知縣應恩等萬戴知縣張邦國等

寧州同知張偉等進賢知縣劉源清等同

其十七示諭吉安府城內外居民 六月二  
十六日

示諭府城內外但有南昌府縣人民在此生理住居  
年久隣里保管不致容留奸細者聽其照舊居住毋  
得擾害若有奸徒潛來投住能擒拿送院者即行給  
賞地方人等受賄容隱者治以軍法

其十八案仰南安等十二府及奉新縣募兵

策應 六月二  
十六日

切照叛逆天下之大惡討賊天下之大義 國家優  
禮藩封恩德隆重乃敢輒萌異圖以干憲辟上逆天

道下犯衆怒滅亡之期計日可待本院職任雖非專責危難安忍坐視仗順伐逆鼓率忠義豪傑四起發謀協力除行吉安等府縣起調兵快防守地方及行廣東福建湖廣等處各調兵策應外照得本省所屬各府州縣衛所見今巡撫都布按等衙門俱各缺官事無統束擬合通行爲此仰抄案回府即行所屬縣分并衛所衙門各起調官軍鄉兵固守城池保障地方仍一面分調兵快散布關隘嚴加把截一面選募驍勇精兵大縣約四五千名小縣約二三千名以上各備鋒利器械供給糧草擇委能幹勇力官員管領

操練其各項錢糧費用聽將在官錢糧動支隨申本院查考其濱江去處多備船隻聽候本院差官齎捧旗牌至日卽刻依期啓行進攻仍選差慣便人役多方探聽消息不時飛報以憑區畫此係守土官員切責而臣子効忠致身正在今日各宜奮發義氣鼓動軍民共成滅賊之功以輸報國之念毋得遲回觀望失悞軍機自取罪戾

其十九牌行吉安府揀練官兵

六月二十六日

近因江西省城變亂已經發放該府行令廬陵吉水等縣起集鄉兵保障地方一面揀選精兵委官管束

二陽明列傳卷十  
聽調去後今據各兵以次漸到各行陸續調發爲此  
牌仰吉安府官吏即將已到兵快人等通行揀閱操  
練分委謀勇膽畧官員統領送赴軍門以憑陸續發  
往豐城臨江等處屯劄防守聽候本院刻期進剿毋  
得稽遲不便

其二十案行吉安等十二府及豐城等縣寬

恤禁約事宜

六月二  
十七日

照得江西省城近遭變亂各府州縣兵戈騷動供億  
勞費兼值天時亢旱秋成無望人民窘迫言之痛心  
中間恐有無賴之徒乘機竊發驚擾地方理合寬恤

禁約但巡撫衙門見今缺官本院駐軍境內不容坐  
視合就權宜處置通行爲此除一面奏聞外仰抄  
案回府照依案驗內事理并行所屬各縣官員務須  
軫念地方痛恤民隱凡一應不急詞訟工役俱各停  
徵其軍前合用兵夫糧草各官俱要持廉秉公親自  
編派毋得因而科擾及聽信一人受財作弊仍嚴加  
曉諭軍民人等務要各守本分安居田里不許扇惑  
搬移妄生事端大戶毋逼債負小民毋激仇嫌鄉落  
居民各自會推家道殷實行止端莊一人充爲約長  
二人副之將各人戶編定排甲自相巡警保守各勉



忠義共勤 國難敢有抗違生事驚擾地方者就便  
拿解赴官治以軍法約長若有乘機侵害衆戶及受  
財不舉許被害之人告發重治仍仰各縣將前項寬  
恤禁約事宜翻刻告示發仰鄉村張掛曉諭俟巡撫  
官員到日再行議處俱毋違錯

其二十一牌行

吉安

守禦千戶所調兵策應

六月二  
十七日

照得先因省城變亂已經行仰吉安等府并各屬縣  
選調精兵聽候調用去後今照前項兵快雖已陸續  
齊集但恐分布不敷必須添調策應爲此牌仰本所

官吏即將見在旗軍揀選驍勇慣戰之人約

吉安所  
六百

福所  
五百

名各備鮮明器械選委勇謀膽略官一員統領

就於該府安福縣官庫錢糧查給行糧不分雨夜兼  
程直抵軍門聽候調遣毋得稽遲時刻定以軍法

其二十二牌差千戶高睿起調梅花峒等處

民兵

六月二  
十七日

近因省城遭變戕害守臣正人心思奮忠義効用之  
時訪得永新縣梅花峒及龍田上鄉樟楓關北諸處  
人民精悍見義能勇擬合起調爲此今差千戶高睿  
齎牌前去該縣知縣柯相即便起集梅花峒等鄉精

勇民兵大約一千名各備便用堅利器械選委該鄉義官良民部領就委該縣謀勇膽略官一員總領其合用行糧或募役之費就於本縣在官錢糧查支不分雨夜兼程前赴軍門聽候調遣此緊急事理毋比尋常賊情敢有故違定以軍法從事

其二十三獎勸瑞州府通判胡堯元擒斬叛

黨

六月二十七日

據瑞州府通判胡堯元報稱擒獲從叛儀賓李蕃斬獲叛黨九十四名等因看得逆賊稱亂天怒人怨誅滅非久然今勢焰正張本官乃能獨奮忠勇首挫賊

鋒遠近聞之義氣自倍合行獎勞以勵人心爲此牌仰瑞州府官吏即行動支官錢買辦花紅羊酒委官率領官吏師生送至本官用見本院獎勸之意其餘有功人員分別等第量加犒賞被傷兵夫給與湯藥陣亡者厚恤其家候功成之日通行造冊申報陞賞仍一面起調驍勇精兵固守城池聽候本院調發毋得違誤

其二十四牌行吉安府通判楊昉統兵策應  
豐城

據豐城縣知縣顧必稟稱本縣起調鄉兵固守城池

惟恐兵力不敷必須請兵策應庶保無虞等因看係  
地方重務已經調發龍泉安福永新等縣并吉安千  
戶所機快軍兵陸續前去策應照得發去官兵必須  
選委謀勇膽略官員統領庶幾調度俱宜爲此仰通  
判楊昉即將後開軍兵名數督同千戶蕭英監統協  
同知縣顧似等計議攻守方略相度險夷要害遠斥  
堠以防奸勤訓練以齊衆探知賊人入境即便設奇  
布伏以逸待勞擊其不意務在先發制人毋令乘間  
抵隙軍兵人等務要嚴爲約束毋令侵擾敢有違犯  
退縮許以軍法從事各官尤要同心并力協和行事

共効忠貞之節以紓

國家之難如或執拗參錯觀

望逗遛違犯節制致有疎虞軍令具存決難輕貸

計開委官巡檢劉福莫慶百戶石鼎義官一名龍  
泉縣兵二百名安福縣兵二百名永新縣兵四百  
五十名安吉所軍四百名廬陵縣一百八十四名

其二十五牌行豐城縣知縣顧似遵照方略

六月二十九日

據豐城縣

云

爲此牌仰本縣官吏照牌事理即行

知縣顧似遵施行毋得違錯

其二十六牌差致仕縣丞龍光調取吉水縣

八九等都民兵

七月初一日

訪得吉水縣八九等都民人王益題曾思溫易弘爵王昭隆等各戶下人丁素習武勇人多尚義前任知縣周廣曾經起調征進皆係驍勇慣戰之人今茲逆黨倡亂民遭荼毒應合調取以赴 國難爲此訪差致仕縣丞龍光齋牌前去吉水縣着落當該官吏即將各戶義兵照數調集各備鋒利器械編成行伍僉選百長總小甲管領就仰該縣查支官錢給與口糧暫且就屯本縣操演武藝聽候本院指日東下隨軍進勦照得江西一省人民久被寧府毒害侵肌削骨

破家蕩產冤困已極控訴無門今其惡貫滿盈天假義兵爲民除暴尚聞愚昧之徒阻避寧府威勢不敢舉動殊不知寧府未叛之前尚爲親王人不敢犯今逆謀旣著即係反賊人人得而誅之復何所憚爾等義民正宜感激忠義振揚威武爲百姓報讐泄憤共立不世之勲以收勤王之績毋得稽遲觀望自取軍法重究差去官負不許假此擾害妄生事端體訪得出罪不輕貸

其二十七牌行廣東龍川等縣調取民兵

七月初二日

照得江西變亂已經行仰吉安等府及行湖廣福建等省起調鄉兵及土漢官兵去後查得廣東龍川等縣所轄和平等處義官陳英鄭志高盧琢及百長林義關三并新民盧源陳秀堅謝鳳勝吳富等寨各有曾經戰陣精兵今茲逆黨倡亂民遭荼毒亦合調取以赴 國難為此牌仰龍川縣官吏即將前項部下驍勇兵夫各行量調三分之一共計二三千名各備鋒利器械選委謀勇官負統領就與縣庫官錢給與口糧不分雨夜兼程前赴軍門聽候親統征剿此係征剿謀反重務非比尋常賊情毋得稽遲仍仰委官嚴加約束兵夫人等沿途不許擾民間一草一木違者許以軍法論處

其二十八牌行贛州南安府寧都等縣選募

民兵

七月初三日

訪得寧都興國瑞金雩都信豐南康等縣各有大家巨族人丁衆多兼亦素有膽畧今茲逆黨倡亂民遭荼毒正各民効忠奮義之日亦合調取以赴 國難為此牌仰本府官吏即便分投差人前去各該縣分着落各掌印官速於該縣大族人家堪出人丁二百者止令出五十務選驍勇精壯各備鋒利器械就於

各戶推選衆所信服堪爲百長總小甲者管領各縣  
查將在庫官錢給與行糧另委相應謀勇官負總統  
不分雨夜兼程無拘前後各另前赴軍門以憑調用  
此係征剿謀反重務非比尋常賊情果能立有功劳  
當即封官拜將亦非比尋常賞格敢有違抗捏故推  
搪致誤軍機定照軍法論處決不輕貸

其二十九牌行福建布政司預備水戰

月七

初四

案照已經行仰起調軍馬前來策應日久尚未見到  
近據探報逆黨南下將攻南都計此時南都必已有

備各逆黨進無所獲必退保九江如此則水戰之具  
爲急不可不備爲此牌仰福建布政司即行選募海  
滄打手一萬名動支官庫不拘何項銀兩從厚給與  
衣裝行糧各備鋒利器械就仰左布政使席書兵備  
僉事周期雍自行統領星夜前赴軍門相機前進并  
力擒剿仍行巡按等衙門同心協力後先監督應援  
此係叛逆謀危 宗社天下荼毒所關呼吸存亡旦  
暮成敗間不容髮非比尋常賊情不得遲違觀望有  
虧臣節嗚呼 主憂臣辱 主辱臣死凡有血氣孰  
無是心况各官忠義自任剛大素聞必將奮臂疾驅

有不容已兵快及領兵人等敢有違犯節制有悞軍機者仰即遵照本院欽奉 勅諭事理許以軍法從事無得姑息

其三十咨都察院御史顏權宜進剿 七月初五日

節該欽奉 云 除具 題及咨南京兵部知會外為照前項事情係 國家大難安危所關已經起調吉安等府兵快前去征剿并備行湖廣廣東福建各調兵策應外照得南畿係 朝廷根本重地今寧王謀逆搆亂舉兵北行圖據南都必得四面合攻庶克有

濟及照貴院奉 命行勘前事即今逆跡已露別無可勘事情合咨前去煩為隨處行令所屬選取驍勇精兵及民間忠義約二三萬名選委謀勇官員分領會約鄰近省郡合勢刻期進討仍煩貴院親督兼程前來共勤 國難諒貴院平日忠義存心剛直自許况今奉 命查勘寧藩正可權宜行事號召遠邇主憂臣辱 主辱臣死他復何言紛擾之中莫罄懇切惟高明速圖之

其三十一牌差百戶楊銳督發建昌官兵

七月初六日

案經通行各府起集鄉夫保障地方一面調選驍勇精兵聽候調發去後爲照所調官兵未到尤恐行文未至或道路阻塞本院已於本月初八日領兵前往豐城市以等處住劄刻日進攻省城若不差官督催不無愈加遲悞爲此牌仰百戶楊銳前往建昌府着落當該官吏即將本府并屬調集兵快務選驍勇慣戰各備器械該府縣掌印官親自統領於各官庫不拘何項錢糧支作行糧無分雨夜兼程前進期在本月十四十五俱赴軍門面受約束并勢追剿該府印信就能幹佐貳官掌管行令嚴加守禦毋致踈虞取

罪此係急剿謀逆重務非比尋常賊情不許時刻稽遲兵快人等敢有違犯節制觀望不行前進者就仰遵照本院欽奉勅諭內事理即以軍法從事毋得姑息不便

牌差百戶任金善往饒州百戶劉景往廣信百戶劉雄往撫州同

其三十二牌行統兵知府徐璉面受進剿方

略  
七月初六日

案照已經行袁州等府起調機快前赴軍門聽候征剿去後今照官兵俱已齊集相應委官監統爲此牌



仰知府徐璉即將前項兵夫編成隊伍整搦器械親自統領星夜前赴臨江豐城地方以憑面受方畧刻期並進仍詳察險易相度機宜不得爾先我後力散勢分及要多方差人爪探聲息不時飛報軍門知會其軍兵及領兵官負人等敢有逗遛觀望退縮誤事者仰照本院欽奉 勅諭事理即以軍法斬首示衆仍諭下人不得貪圖陞賞妄殺平民冒報功次 國典具存法難輕貸承委官負務要竭忠盡命以効勤勞苟或違誤罪亦難逭

其三十三牌行通判陳旦往進賢等縣督發

民兵

七月初六日

據南昌府通判陳旦稟稱原蒙巡撫衙門委催拖欠錢糧在外因聞前變前赴軍門投到等因所據本官頗有幹辦及照進賢等縣各有驍勇義兵尚未調用合就行委起調爲此牌仰通判陳旦知印能環前去進賢等縣督同各縣掌印等官除調集在官兵快仍仰各縣官自行統領前來隨征外其城郭鄉村內外尚有大家巨族人丁衆多素被寧府侵害思欲報讐泄憤者諭令多選驍勇精壯子弟佃僕人等或二三百名或五六百名每縣大約計四五千名各備鋒利

器械選委謀勇官員分領查支在庫官錢給與行糧  
就便督同各縣掌印官一併督發不分雨夜兼程前  
赴豐城市汭等處面稟軍門約束刻期進攻毋得稽  
違時刻仍一面曉諭官吏監生生員里老人等各起  
父子鄉夫固守城池一面分投差人爪探但有奸細  
之徒潛入境內就便擒拿遵本院欽奉 勅諭內事  
理即以軍法從事兵快及領兵人等敢有違犯節制  
畏避退縮者亦就論以軍法處治承委官員各要効  
忠竭力以副委任苟或故違罪不輕貸

其三十四牌行袁州等九府新淦等縣給助

糧餉

七月初六日

據吉安府申奉本院鈞牌查得本府在庫止有贓罰  
紙米銀一萬五千四百三十一兩零其各縣寄庫銀  
四萬六千一百五十九兩零俱轉解之數似難動支  
見今動調各處軍快人等數多誠恐支用不敷及查  
廬陵等九縣貯庫錢糧亦多稱乏合行隣近府分幫  
助支用緣由到院為照江西寧府變亂雖經本縣起  
調廣東福建二省漢土狼達官軍江西南贛等處兵  
快計有二十餘萬合用糧餉大約且計三四月之費  
今該府所申堪支紙米等銀止有一萬五千四百有

零其餘俱係解京之數就便從權支用亦有未敷必  
須於各府見貯錢糧數內查支接濟庶不誤事擬合  
通行爲此牌仰本府即將收貯在庫不拘何項錢糧  
作急通行查出三分爲率內將二分稱封明白就委  
相應官員不分雨夜領解軍門以憑接支應用此係  
征討叛逆軍機重務毋得稽遲時刻定以軍法論處  
決不輕貸

其三十五牌行撫州府權處行糧

據撫州府申稱建昌撫州廣信饒州四府正德十三  
年兌軍糧米不下十餘萬石原蒙撥在龍窟聽與撫

州建安鉛山廣信饒州五所軍旗交兌因運船阻凍  
回遲於今年六月始行較斛開兌其已兌者裝載軍  
船未兌者仍在民艘不意十五日省城有變遂行停  
兌至十八日逆黨乘機劫奪各船順流放至饒州河  
下得無驚擾但今江河梗塞難以兌運節奉明文動  
調大軍征討叛逆要將兌軍淮糧暫留以備軍餉申  
詳到院查得先據吉安等府申稱爲各府官軍將臨  
欲將官庫紙米贖罰等銀并京庫等銀及將兌淮糧  
米從權給支借用等情已經批仰依擬查取去後今  
申前因擬合准行爲此仰府官吏即行掌印官查將

見在饒州灣泊兌軍淮糧准從權宜坐委能幹官員  
無分雨夜督運江西省城聽候支給各兵行糧毋違  
時刻候事平之日備造印信文冊繳報查照仍令委  
官前去查照免致下人因而侵欺未便

其三十一案行吉安府知會兩廣巡按御史

紀錄軍功

七月初八日

照得江西寧府謀叛云仰抄案回府即便備行巡  
按兩廣監察謝御史伍御史查照知會凡軍中一應  
事宜悉要本官督理區畫以匡本院之不逮各哨官  
兵俱聽監督獲有功次俱憑本院送發本官驗實紀

錄官兵人等但有騷擾所過地方及軍前逗遛觀望  
畏避退縮者就行照依本院欽奉勅諭事理治以  
軍法抄案官吏具行過日期同依准申來

其三十七牌行吉安府敦請鄉大人共守城

池

七月初八日

照得寧府反叛本院調兵進剿即日啓行各府縣掌  
印正官既該統兵前進所據各該府縣城池雖已行  
委各佐貳官防守但艱危之際事變不測必須歷練  
老成之人相與維持鎮定庶幾人心不致驚疑政務  
有所倚賴爲此案行吉安府官吏通行各縣署印官

員徑自以禮敦請老成鄉宦衆所推服者一二員在城以備緊急協同行事該府城池關係尤重查得致仕按察使劉遜素有才望忠義奮激就仰該府請至公館仍仰署印官待以賓師之禮托以咨決之任一應軍機事宜咨稟計議而行以安人心以濟大事仍行本官務以國家大難爲心盡心竭力共圖殄賊毋以休致自嫌諒朝廷報功之典當亦自不相負如誤大事咎亦有歸通無違錯

其三十八牌行贛州府權處軍糧

七月初十日

據贛州府申稱動調官兵進剿逆賊費用錢糧浩大本府再無別項支用欲借於民尤恐激竄乞查照原額委官抽稅以救燃眉之急候征剿完日停止一節實係目前三軍存亡所關况本院所屬南贛汀漳南韶惠湖郴桂等處原係盜賊淵藪雖經調兵剿除而漏網竄伏不時竊發倉卒起調將何供應且今寧王逆謀已行北上本院集兵一千餘萬粘踪追襲糧賞皆藉各府支應中間多稱倉庫空虛無從措辦隨該本院具本奏聞仍遵勅旨便宜事理於龜角尾照舊抽分外爲此仰抄案回府即委佐貳能幹官員暫於原設廠內將東西二關往來客商鐵鹽等項貨物查

照原定則例照舊抽取稅銀以助軍餉支用仍嚴禁  
吏書及隸快人等不許作弊生事侵欺稅銀亦不許  
客商私通橋子縱放船隻及聽信奸詐牙行包攬赴  
廠投遍報單希圖匿稅承委官員必須親臨驗船大  
小及貨物多寡令其從實開報納稅毋得虧損致生  
嗟怨仍照舊規每五日開報稽考仍通沿路巡檢司  
等衙門不得生事阻絕未便

其三十九牌行吉安永新千戶所解送 平器

七月十七  
一三

照得本院調集各處官軍親統追剿逆賊所右 軍中

合用防牌弓箭鎗刀等項訪得吉安等千戶所俱有  
收貯在官擬合取用爲此牌仰官吏即將本所見在  
防牌弓箭鎗刀等項器械不拘制造解京之數盡行  
查出無分雨夜差人解赴軍門以憑給用事畢發回  
收貯毋得遲違時刻不便

其四十牌行南贛吉臨四府及萬安泰和吉  
水新淦豐城五縣預備犒勞行軍 七月十日

照得近因寧府反叛已該本院通行各處起調漢土  
官兵追剿俱由南安贛州萬安泰和吉安吉水新淦  
臨江豐城等處經過必須犒勞以勵人心爲此仰府

縣官吏即便查照先年用兵則例支給在庫官錢預  
先買辦牛酒等項聽候所調各處官兵到日就行分  
別等第犒勞毋得臨期有誤

其四十一牌行指揮麻璽策應豐城

日

七月十一

據豐城知縣顧似稟稱兵力不敷請兵策應已經調  
發龍泉安福永新等縣并及吉安千戶所機快軍兵  
陸續防勦去後今照發去官兵必須選委謀勇膽略  
官員統領庶幾調度得宜爲此牌仰指揮麻璽即便  
前去會同通判楊昉督同千戶蕭英等將防守軍兵

先行訓飭操演務要行伍整肅號令嚴明進退齊一  
聽候本院督臨尅期分哨並進軍兵人等所過毋令  
侵擾敢有違犯退縮者許以軍法從事各官仍要同  
心併力協和行事共効忠貞以紓 國家之難

其四十二牌行通判談儲統領吉水官兵

七月十一日

牌仰通判談儲即便統領吉水縣調集官兵一千五  
百員名跟隨本院前去江西追剿逆賊務要申嚴號  
令整肅行伍兵快敢有違犯節制畏避退縮者許照  
本院欽奉 勅諭事內理以軍法從事其該縣印信

就仰縣丞任禮署掌嚴加防禦固守城池俱毋違錯  
計開領哨官

義官三貢蕭連朴李尚禮李良蔡永豐巡檢劉以  
貴管理糧餉主簿何池

其四十三牌行餘干縣知縣馬津預備戰船

七月十一  
二日

照得本院調集各處官軍前去追剿逆賊所有裝兵  
船隻止顧有民船緣狹小不堪水戰本院不久沿江  
前進惟恐臨期有誤訪得餘干縣所屬龍津驛河埠  
灣泊俱係運糧及民間大船約有六七百號在彼空

閑俱應起撥爲此仰知縣馬津等即便親至前項河  
埠盡將官民船隻責令各船運軍船戶裝載調到軍  
兵跟隨本院前往剿賊中間若有運軍不齊亦聽隨  
宜顧募慣便水手代駕仍各給與口糧毋違時刻定  
以軍法論處

其四十四牌行臨江府戴德孺解送軍器戰

船 七月十一  
二日

照得本院調集各處官軍追剿逆賊所有裝兵船隻  
狹小不堪水戰及照軍中合用弓箭鎗刀防牌等項  
器械訪得臨江府所轄樟樹埠頭俱有袁州等處運



糧并民間船隻數多庫內收有前項軍器應合取用起撥爲此仰臨江府官吏即行知府戴德孺速將在庫軍器不拘解京之數盡行差人星夜送赴軍門給與各軍應用并將前項埠頭灣泊官民船隻責令各船運軍船戶裝載官兵跟隨本院前去剿賊中間若運軍不齊亦聽隨宜顧募慣便水手代駕仍撥小漁船百隻聽候差用仍各給與口糧毋違時刻定以軍法處論

其四十五牌行饒州府解送軍器戰船 月七

十三

照得本院調集各處官兵追剿逆賊所有軍前合用防牌鎗刀弓箭器械及木鐵等匠應合取用及照裝兵船狹小不堪水戰訪得饒州府縣收有前項軍器及各色匠數多并運糧新舊及民間船隻約有六七百號俱在河下空閑亦合起撥爲此仰府官吏即行掌印官速將見收軍器無拘解京之數盡行差人不分雨夜解赴軍門給軍應用事畢發回仍拘慣造器械鐵匠木匠等役各二三十名各帶隨用家火官辦熟鐵一二千斤煤炭數十担亦差的當人員管領及另選委能幹官員速將官民船隻通行責令運軍并

各船戶裝載官兵速到南昌省城跟隨本院前去沿江剿殺前賊中間若各運軍不齊亦就顧募慣便水手代駕各給口糧毋得稽違時刻定以軍法論處

其四十六牌行奉新縣知縣劉守緒等撲剿

伏兵

七月十三日

為照本院親督諸軍刻期於本月二十日進攻南昌省城以破逆黨巢穴探得逆黨先曾伏兵三千於老墳廠新墳廠諸處以為省城應援若不先行密為撲剿誠恐攻城之日或從間道掩襲我師未免為牽制為此牌仰奉新縣知縣劉守緒靖安縣知縣萬士

賢各統精兵三千密於西山地界約會期刻分哨設伏運奇並力夾勦各官務要詳察險易相度機宜不得爾先我後力散勢分致有疎失仍一面差人爪探聲息飛報軍門擒斬功次審驗解院轉發紀錄照例具奏陞賞兵快人等敢有臨陣退縮者許照本院欽奉勅諭事理就以軍法從事各官務竭忠貞以勤國難苟或觀望逗留有誤事機軍令具存罪亦難逭

其四十七牌差千戶劉祥督發福建官兵

七月十五日

五月

案照已於六月二十一日備行漳南道即將見在上  
杭操練兵快并取漳州統手李棟等委官統前赴本  
院督發進剿未報續又牌仰布政司選募海滄打手  
就仰布政席書僉事周期雍自行統赴軍門相機擒  
剿去後亦未見到合再立限督催爲此今差千戶劉  
祥齋牌前去福建布政司分巡該道着落官吏即將  
前項見在兵快四五千名并將海滄打手一二萬名  
作急調取到官令其各帶隨身鋒利器械等項查取  
在庫不拘何項錢糧給與行糧并雇募之資就仰左  
布政使席書統領毋分雨夜定限本月二十九日直

抵江西省城隨軍前進如違時刻定以軍法論處此  
係叛逆謀危 宗社重務非比尋常賊情軍兵人等  
敢有違犯節制者許以軍法從事其軍中合用火藥  
等項亦仰支給官錢買辦應用不得臨期失誤仍查  
本院差來本道并布政司官舍的於何日到彼有無  
在途延緩緣由各另呈報

其四十八牌行各哨統兵官進攻屯守

十七日

仰一哨統兵官吉安府知府伍文定即統部下官軍  
兵快四千四百二十一員各進攻廣潤門就留兵防

守本門直入布政司屯兵分兵把守王府南門  
仰二哨統兵官贛州府知府邢珣即統部下官軍兵  
快三千一百三十餘員名進攻順化門就留兵防守  
本門直入鎮守府屯兵

仰三哨統兵官袁州府知府徐璉即統部下官軍兵  
快三千五百三十員名進攻惠民門就留兵防守本  
門直入按察司察院屯兵

仰四哨統兵官臨江府知府戴德孺即統部下官軍  
兵快新喻二縣三千六百七十五員名進攻永和門  
就留兵防守本門直入都察院提學分司屯兵

仰五哨統兵官瑞州府通判胡堯元童琦即統部下  
官軍兵快四千員名進攻章江門就留兵防守本門  
直入南昌前衛屯兵

仰六哨統兵官泰和縣知縣李楫即統部下官軍兵  
快一千四百九十二員名夾攻廣潤門直入王府西  
門屯兵守把

仰七哨統兵官新淦縣知縣李美即統部下官軍兵  
快二千員名進攻德勝門就留兵防守本門直入王  
府東門屯兵守把

仰中軍營統兵官贛州衛都指揮余恩即統部下官

軍兵快四千六百七十員名進攻進賢門直入都司屯兵

仰八哨統兵官寧都知縣王天與即統部下官軍兵快一千餘員名夾攻進賢門留兵防守本門直入鍾樓下屯兵

仰九哨統兵官吉安府通判談儲即統部下官軍兵快一千五百七十六員名夾攻德勝門直入南昌左衛屯兵

仰十哨統兵官萬安縣知縣王冕即統部下官軍兵快一千二百五十七員名夾攻進賢門就守把本門

直入陽春書院屯兵

仰十一哨統兵官吉安府推官巨王暉即統部下官軍兵快一千餘員名夾攻順化門直入南新二縣儒學屯兵

仰十二哨統兵官撫州通判鄒琥知縣傅南喬即統部下官兵三千餘員名夾攻德勝門就留兵防守本門隨於城外天寧寺屯兵

承委官員務要竭忠奮勇擒剿叛逆以靖國難如或退縮觀望違犯節制定以軍法論處軍兵人等敢有臨陣退縮者就仰本官遵照本院欽奉勅諭事

理就於軍前斬首示衆牌候事完日繳

其四十九告示在城官民

七月十八日

照得寧王造謀作亂神人共怒法所必誅在城宗支郡王儀賓皆被逼脅如鍾寧王無罪削爵建安王父子俱死軍民人等或覆宗滅族或蕩家傾產或勒取子女皆恨入骨髓敢怒而不敢言今日之事豈其本心本院仰仗 朝廷威靈調集兩廣并本省狼達漢土官兵二十餘萬即日臨城亦無非因民之怨惟首惡是問告示至日宗支郡王儀賓各閉門自保商賈買賣如故軍民棄甲投戈各歸生理無得驚疑該府

內臣校尉把守人負開門出首或反兵助順擒斬首惡一體奏 聞陞賞其有懷奸稔惡從逆不悛者必殺不赦凡我良善軍民即便去惡從善毋陷族滅故示

其五十牌示諭江西布按三司從逆官員

照得寧王悖逆天道造謀作亂殺戮大臣都布按三司官員各悚於暴虐保其妻子以致臨難之際不能自擇或俛首幽囚或甘心降伏貪生畏死反面事仇春秋之義雖嚴於無將之誅而志圖興復者尚不忍於峻絕探得各官見今在城閉門自訟者有之臨城

巡聞者有之出入府庫運籌畫策者有之此皆大義未分孤立無助揆之法理固不容誅推之人情實爲可憫即今本院統集狼達漢土官軍二十餘萬後先臨城各官果能去逆歸順尚可轉禍爲福故今特遣牌諭兵臨之日仰各開門出首仍一面將本院發去告示給散張掛撫諭良善百姓宗支儀賓人等各閉門自保毋輕出街市橫遭殺戮該府把守內臣校尉人等亦各諭以大義俾知背逆向順尚可免死投甲釋戈蓬頭面縛候本院臨審定奪敢有從惡不悛執迷不悟拒敵官兵者必殺無赦仍具改正緣由親齎

投首以憑施行毋得遲違六日取族滅牌具依准繳來

其五十一牌行主孫得余旺督運兵糧 七月十九日

牌仰部糧主簿余旺即回吉安府速將原部寧都縣糧里曾元興等九名原寄各府倉廩收囤兌准糧米七千七百石盡數用船裝載無分雨夜督同各役正身運赴江西省城河次以憑支給官兵行糧等用中間糧里人等敢有違延誤事及不聽約束者就仰本官照依軍法輕則量情責治重則綁赴軍門斬首決不輕貸完日通行造冊繳報

其五十二告示七門從逆軍民  
七月二  
十一日  
督府示諭省城七門內外軍民雜役人等除身犯黨  
逆不赦另議外其原被寧府迫脅僞授指揮千百戶  
校尉護衛及南昌前衛一應從亂雜色人役家屬在  
省城者仰各安居樂業毋得逃竄有能寄聲父兄子  
弟改過遷善擒獲首惡詣軍門報捷者一體論功給  
賞逃回報首者免其本罪仍仰各地方將前項人役  
一名名赴各該管門官處開報令各親屬一名每五  
日一次打卯其有收藏軍器許盡數送官各宜悔禍  
毋取滅亡

其五十三牌行劉守緒北守武寧渡

七月  
二十

日一

照得本院原調奉新縣劉守緒統領民兵把守武寧  
渡今因策應入城搶擄妄殺不無違犯軍令本當重  
治姑記過類處為此牌仰本官即便統領原管兵快  
速赴前渡守把不許一人一馬擅自渡江入城敢有  
潛躲在城并一應違犯軍令者斬首示衆牌具不違  
依准并離城定管地方時刻火速繳來

其五十四牌行江西二司安堃寧府官眷

七月二  
十二日



照得寧王造反稱兵向闕行委偽官萬銳等把守省城音信不通本院所行告示負固不納以致討賊安民之義俱未知悉及至統兵攻城該府宮眷一聞銃鉤震響閉門縊死燒焚宮室雖寧王昔逆罪在不赦而朝廷惇睦之仁何所不至本院已同宗支并原任布按二司及吉安等府知府等官伍文定等親赴該府驗看未焚庫藏已封號訖所據各宮眷身屍相應埋葬為此合行案仰布按二司即便啓知建安王選委各郡王府老成內使火者三四員會同南昌府南新二縣官措置棺木以禮安葬毋得違錯不

便

其五十五手本南京內外守備追襲叛首

七月二十三日

本年七月二十日准欽差南京內外守備揭帖內開煩念南京根本重地宗廟陵寢所在作急整點精銳軍兵數萬名擇將統領星夜兼程前來粘踪追襲攻擊其後保固根本重地所統官軍煩沿途經過去處應付廩給口糧馬匹草料事寧之日獲功官軍具奏陞賞請勿遲延等因卷查先為飛報地方謀反重情事照得本院奉勅前往福建地方公幹行至

豐城縣聞寧府謀反遂返吉安住劄看係謀危 宗  
社重情隨即具題并行吉安贛州等官起調官兵俟  
釁而發及咨南京兵部并巡撫應天都御史李煩爲  
通行在京大小衙門會謀集議作急繕完城守簡練  
舟師設伏沿江旁檄列郡先發操江之兵聲義而西  
約會湖湘互爲犄角本院亦砥鈍策駑牽躡其後以  
義取暴以直加曲不過兩月之間斷然一鼓可縛去  
後續據本院瓜探人役回報寧王已下南京留有逆  
黨內官驅脅官民人等一萬餘員名固守城池虐焰  
昌熾阻絕往來等因又經節催府縣兵快分布哨道

親自統領刻期於七月二十一日寅時直抵省城進攻  
仍被逆黨砌塞城門分兵拒圍當幸官兵用命奮勇  
攻破城門各賊遂皆奔潰當即分兵擒搜及差人分  
投瓜探叛首向往的確并發官兵前去追襲外今准  
前因合用手本前去煩爲查照施行

其五十六咨兩廣總督都指揮楊停止原調

狼兵

七月二  
十三日

案照本院看得前項事情係 國家大難存亡所關  
雖調各府兵快非惟武藝無素尤恐兵力不敷即隨  
備咨 欽差總督右都御史楊煩爲選取驍勇兵快

大約三五千名就委嶺南道兵備僉事王大用監統給與各兵行糧兼程前來共勤 國難及行廣東布政司轉行各道并呈鎮守撫按等衙門一體查照知會去後節據知縣顧似等報寧王已下南京留有逆黨內官驅脅官民人等一萬餘員名固守城池阻絕往來等情隨該本院催督所調兵快分布哨道親自統領刻期於七月二十日寅時直抵省城進攻仍被逆黨砌塞城門分兵固拒當幸官兵用命奮勇攻破城門各賊遂皆奔潰隨即分兵搜擒外今照前項事情見該 欽命京邊官軍二十餘萬前來會剿及太

院見統官兵五萬餘員名俱在江西省城即今分遣委官監督前去約會併勢追襲所據原調廣東上漢狼兵人等未審會否齊集但今南贛吉安南昌等處沿江人民俱各畏懼狼兵悉皆驚惶及又訪得狼達土兵曾受寧王賍物私許助謀効力今調各兵本以爲國除害惟恐返爲民害不無有悞大事擬合停止爲此合行移咨貴院煩爲查照希將起調兵快停留本省應用施行

案行廣東嶺南兵備道同

其五十七牌行撫州知府陳槐等收復南康

九江

七月二  
十四日

照得寧王謀反興兵向 闕南康九江見被攻破分  
留逆黨據守二府城池意圖西扼湖兵之應援南邊  
我師之追躡仰賴 宗社威靈克復省城除遣知府  
伍文定等分布哨道邀擊寧賊務在得獲外所據逆  
黨占據府縣應合分兵剿復為此牌仰知府陳槐等  
各選精兵身自統領星夜前去南康九江地方相機  
行事務要攻復城池平靖反側仍將地方人民加意  
賑恤激以忠義撫以寬仁權舉有司之職以理庶事  
查處倉庫之積以足軍資一百分兵邀誘寧賊毋令

東下并差人爪探飛報軍門各官務要同心併力協  
和行事毋得人懷一心彼此參錯致誤事機兵快人  
等敢有違犯節制者仰照本院欽奉 勅諭事理以  
軍法從事一應事機呈稟往復慮有稽緩俱聽一面  
從宜區畫一面呈報軍門仍備查各官棄城逃走致  
賊焚掠屠戮之故具由申報以憑參拏究治

牌行饒州府知府林城建昌知府曾輿廣信知府

周朝佐同

七月二  
十四日

其五十八牌飭吉安府知府伍文定等同心

遵依方略

七月二  
十五日

切照天下之事成於同而敗於異本院選調吉安贛  
州臨江袁州等府衛所軍民兵快委各該文武職官  
知府伍文定邢珣等統領分立哨分授以方畧令其  
併力進剿互相策應今訪得各官各持己見自爲異  
同累有事機可乘坐是輒致違錯本當拿究治以軍  
法但係用人之際姑且容恕及照逆賊歸援聲息已  
逼慮恐各官仍蹈覆轍臨期或致債事擬合申飭通  
行爲此牌仰本官即便督率原領軍兵在於見住劄  
處所務要遵依方略與各哨領兵官同心而行誓竭  
并力進死之志毋懷觀望苟生之謀敢有仍前人懷  
一心互有同異以致悞事定行罪坐所由斷依軍法  
斬首的不食言先具不致異同重甘結狀并不違依  
准隨牌繳來

牌行贛州知府邢珣 臨江府知府戴德孺 袁  
州府知府徐璉同

其五十九牌行撫州府知府陳槐掣兵設伏

七月二  
十五日

據各哨探報逆黨近在地方王家渡屯住去離江西  
程途不遠雖經本院先已督發官兵四路相機夾剿  
但城守未備而張疑設伏亦爲緊要所據知府陳槐

部下兵快合行掣取爲此牌仰本官即將原統兵快中分一半掣入省城以憑面授方畧別有指使分掣之際務在密跡潜形毋得張皇致有驚動牌具依准繳來

其六十牌行建昌府知府曾璵會兵夾剿

七月二十五日

牌仰知府曾璵即便挑選部下驍勇精兵一千餘名會同各哨官兵相機夾剿叛賊張疑設伏候警急應毋得違遲時刻定以軍法從事軍兵人等敢有臨陣退縮違犯號令仰遵本院欽奉勅諭事理照依軍

法斬首

其六十一牌行進賢縣知縣劉源清會兵夾

剿 七月二十六日

牌仰知縣劉源清即便挑選部下精兵七八百名星夜前去吳城等處會同各哨官兵相機夾剿逆賊張疑設伏候警急應毋得稽遲時刻定以軍法從事兵快人等敢有違犯節制及畏避退縮者斬首示衆

其六十二牌行安義靖安二縣知縣焚燒墳

廠

仰知縣王軾萬士賢即便會兵前去速將新舊墳雙

嶺二廠藏賊房屋樹木等項用火焚燒以免逆賊復據母得違悞時刻定以軍法從事

其六十三咨總督兩廣右都御史楊停止原

調官兵

七月二十六日

案照已經通行吉安等府調選官兵委官統領督追叛逆續該本院看得前項事情係國家大難存亡所關誠恐兵力不敷隨即備咨南京兵部及欽差總督兩廣都察院右都御史楊欽差巡撫蘇松等處都察院右都御史李欽差巡撫湖廣都察院右副都御史秦吳并福建三司等官煩為選取驍勇兵快選委

謀勇官負監統兼程前來共勤國難去後節據知縣顧似等差報寧王已下南京而尚有逆黨萬餘固守城池隨該本院分布哨道親督刻期於七月二十日寅時攻破省城各賊奔潰分兵搜擒逆黨以次審決一百分哨四路並進或當其前或躡其後隨於七月二十六日在於鄱陽湖大戰遂已擒獲寧賊逆黨悉就翦平除奏聞外看得逆賊已獲逆黨已盡所據原調各省官兵應該停止為此合行移咨貴院煩為查照希將起調軍兵人等俱行停止如已起行即便差官追回施行

咨巡撫應天蘇松都御史李 咨巡撫湖廣都御史秦吳 咨南京兵部同

其六十四案行福建按察司停止原調兵快  
案照云 爲此仰抄案回司即便遵照速將所調兵快打手人等俱行停止免致往返徒勞跋涉毋得違悞仍行巡按衙門知會

案行福建漳南道 淞江布政司 牌行吉安府 轉行隣界衡州等府同

其六十五牌行知縣劉源清楊材追剿逆黨

七月二  
十七日

牌仰進賢安仁二縣劉源清楊材各統部下驍勇精兵星夜前去進賢等處追剿逆黨陳賢秦榮屠典寶等務在日下名名獲報以靖地方毋得稽遲時刻兵快人等敢有違犯節制畏避退縮者仰照本院欽奉勅諭內事理即以軍法從事承委各官務要竭忠効力以副委任苟或故違致有疎虞 國典具存罪不輕貸

其六十六案行河間等府通州等州停止見

調軍兵 八月十三日

案照先因寧王岢危 宗社興兵作亂已經具奏請



兵征剿及通行各該官司調兵併勢追襲去後隨該  
本院催督吉安贛州等處官軍分布哨道親督刻期  
於七月二十日攻破省城當即發兵分路收南康九  
江等處一面設伏張疑誘襲寧王已於本月二十四  
日在鄱陽湖連日大戰至二十六日遂已擒獲寧王  
餘黨亦就誅戮除具本 奏捷外近訪得南北直隸  
順天應天河間通州海州涿州等處一帶官司即今  
仍起調軍兵追襲若不通行差人阻遏非徒勞跋  
涉亦恐騷擾地方為此仰抄案回府州着落當該官  
吏即便遵照火速將見調軍兵俱行停止放散寧家

毋得拘留妨誤生業未便

照會順天府同

其六十七犒賞福建官軍

八月十四日

據福建按察司整飭兵備兼管分巡漳南道僉事周  
期雍呈稱依奉本院案驗起取上杭等處軍兵共五  
千餘名分委指揮劉欽知縣邢暄等及起取漳州府  
海滄打手三千餘名行委通判李一寧等管領本道  
躬親統督先後啓行前來等因到院案照先為飛報  
地方謀反重情事看係 國家大難存亡所關隨即  
備咨南京兵部及巡撫兩廣湖廣等衙門并福建三

司等官選取驍勇兵快選委謀勇官負監統兼程前來共勤 國難去後今據前因看得逆賊已經成擒餘黨悉漸殄滅除將各該官兵先行發回外切照福建漳南相距江西省城約計程途有一千七八百里之遙該道乃能不滿旬月調集官軍兵快八千員名之衆首先各省而至足見本官勇畧多謀預備有素忠義之誠足以感激人心敏捷之才足以綜理庶務故一呼而集兼程赴難除另行旌獎外及照調來官兵衝冒炎暑遠赴 國難忠義既有可嘉勞苦尤爲足憫合加犒賞以勵將來爲此除將支出官銀差官

領齋該道仰抄案回司即將原調領兵官員并軍兵鄉夫人等酌量犒賞用見本院獎勞之心以爲將來忠勤之勸仍仰該道備查各兵原係操練者照舊在班操練以備緊急調用添募者省令回還田里各安生業務爲良善之民共嚮太平之福毋得分外爲非致招身家之累備行巡按衙門知會

其六十八牌行統兵各哨官查報功次

十五日

牌仰各哨統兵官將哨下官軍兵快人等前後擒斬功次分別首從及各地名日期并奉本院批發隨征

報効人負俱要查明開造草冊送院覆查相同以憑轉發類造奏繳施行毋得查造不實及將非奉批發報効之人一槩濫造在冊查究得出定行照例追問如律決不容恕

計開

二十日破城二十四日戰王家渡 二十五日戰八字腦 二十六日戰樵舍 二十七日戰吳城 二十八日戰沿江諸處

吉安府知府伍文定 贛州府知府邢珣 臨江府知府戴德孺 袁州知府徐璉 撫州府知府

陳槐 饒州府知府林城 建昌府知府曾璵

廣信府知府周朝佐 瑞州府通判胡堯元童琦

贛州衛指揮俞恩 泰和縣知縣李楫 萬安縣

知縣王冕 奉新縣知縣劉守緒 安義縣知縣

王軾 新淦縣知縣李美 吉安府通判談儲

吉安府推官王暉 吉安府通判鄒琥 臨川縣

知縣傅南喬

其六十九案仰南昌府清查侵占田土

正德

十四年八月十六日

照得寧王自正德二年以來蓄為不軌誅求財貨強

占田上池塘屋基立表所至敢怒而不敢言稅糧在戶而租利盡入王府家眷在室而房屋已屬他人流移困苦無所懇訴見今天厭其虐自速滅亡一應侵占等項合行改正以甦民困爲此案仰南昌府即便清查寧王并內官校尉倚勢強占不問省城內外查係黃冊軍民該載稅糧明白即與清復管業收租住坐不許隣佑佃民仍前倚勢爭奪其曾經奏請如陽春書院等處雖有侵占難以擅動俟另行處治外奉行官吏務盡心清查以副委用以安生民毋得偏私執拘致生弊端通毋違錯

其七十牌行南昌府追征寧府私債 八月

九日

據二哨領兵贛州府知府邢珣呈將盤出寧府各縣人民借去銀兩花戶并保人姓名開報到院參照所開前銀俱係沒官之數合行追究爲此拈單仰府官吏即便行拘各民到官照數追取足色銀兩還官不許縱容欺騙亦不許分外加增擾害完日取具印信庫收并官吏不違依准隨牌繳報查考

其七十一批江西按察司呈禮殯孫許 八月

二十五日

據按察司呈稱副使許達家眷日食久缺并孫都御史未曾殯殮等情叅看得各官被賊殺害誠可哀痛合於本司庫內各支銀三十兩以禮殯殮候裝回日盤費水手另行呈奪許副使家眷缺食亦聽支銀五十兩給付應用取具各該領狀并殯殮過緣批呈繳其七十二牌行南昌府委官護送巡撫孫喪

柩

照得江西巡撫都御史孫近被寧賊殺害續該本院統兵攻復省城當給銀兩買棺裝殮間隨據伊男孫慶帶領家人前來扶柩還鄉所據護送人負擬合行

委為此仰府官吏即與見在府衛官內定委一員送至原籍浙江紹興府餘姚縣河下交割并行沿途經過軍衛有司驛遍巡司等衙門各撥人夫程程護送仍仰照例從厚僉撥長行水手起關應付人夫脚力驗口給與行糧毋得稽遲未便

其七十三牌行南昌府委官護送許副使喪

柩

照得江西按察司副使許近被寧賊殺害續該本院統兵攻復省城當給銀兩買棺裝殮隨據伊男許某告稱扶柩還鄉所據護送人負擬合行委為此仰南

昌府官吏即於見在府衛官內定委一員送至原籍交割云毋得稽遲未便

其七十四牌行上元縣護送馬主事喪柩

九月

據福建興化府莆田縣民馬順告稱伊父馬思聰由進士任南京戶部主事本年六月內奉命差至江西催償錢糧時被寧主謀反拘執囚禁而死後蒙家將父屍買棺裝殮今欲扶柩回籍緣路途窳遠况父家小見在原任無力俱各不能還鄉告乞脚力口糧等因看得本官因公奉差遭亂被執監故是實除行南

昌府縣應付差人遞送回籍外仰上元縣官吏即便照例起關應付本官脚力船隻差人護送還鄉其本官應得俸糧柴薪馬夫等銀就使查明照數給與或應該僉與長行水手亦就查給毋得稽滯

其七十五牌行寧州府知府汪憲釋放投首

九月初一日

據吳國七林十一等口稱閔念四等落水身死今訪得閔念四等見在寧州界上告要投招前者已曾發有告示許令脅從新民俱准投首免死給照復業生理近日朝廷降有黃榜亦准投首免死今聞各地



方居民不體 朝廷及本院好生之意輒便起兵剿  
殺激使不敢出身授首反使 朝廷及本院失信於  
人本當綁拿重究姑且再行誠諭爲此牌仰寧州知  
州汪憲探訪前項一起投首之人是否閔念四等正  
身若果有投首真情即便帶領前赴軍門發落准與  
楊子橋等一例釋放給與執照各自復業當差如或  
聚衆不散星夜飛報軍門以憑發軍勦滅俱毋違錯  
其七十六欽奉南征 勅諭通行

節該欽奉 聖旨勅近該南京內外守備叅贊等官  
太監黃偉等先後奏報江西寧王殺害巡撫等官燒

毀府縣肆行反逆等項事情已下兵部議官議處  
當朕當親率六師奉 天征討先差安邊伯朱泰爲  
前哨統領各邊官軍前去南京相機勦殺太監張忠  
左都督朱暉統領官軍前去江西搗其巢穴又命南  
和伯方壽祥及南直隸江西湖廣各該鎮巡等官各  
照擬定要路住劄把截今特命爾照依該部會奏事  
理會同鎮守太監王宏選調堪用官軍民快親自督  
領在於所屬緊要地方分布防禦仍委浙江布政司  
左叅政閔楷選募處州民兵定擬住劄地方聽候調  
用軍中事宜務要互相傳報彼此通知一遇有警勿

誤策應或就會合各路人馬設法剿捕仍出給榜文  
告示徧發江西及各該地方張掛曉諭但有能聚集  
義兵擒殺反逆賊犯者量其功績大小封拜侯伯及  
陞授都指揮指揮千百戶等官世襲賊夥內有能自  
相擒斬首官者與免本罪仍量加恩典不許乘機挾  
讐妄殺平人一應軍中事宜勅內該載未盡者俱聽  
爾隨宜區處爾為風憲大臣受茲重託宜罄竭忠誠  
掃除叛逆尤要詳審慎重計出萬全務彼地方寧靖  
軍民按堵以紓朕南顧之憂庶稱委任欽此欽遵合  
就通行為此仰都布按三司照依案驗備奉 勅內

事理通行所屬一體欽遵施行

其七十七案行江西布按二司官戴罪護印

九月初三日

照得江西省大務繁都布按三司不可一日缺官掌  
理今亂平之後各官俱係戴罪未經復職其新除參  
議周文光考滿僉事王崇仁尚未到司所有各衙門  
印信錢糧并朝 覲進表等項一應重務缺官管理  
除題知外為此仰抄案回司即行布政使胡濂按察  
使楊璋暫且戴罪護印管理本司庶務副使唐錦戴  
罪仍行管理學校僉事王疇戴罪暫且管理南昌道



各官不得以緣事之故輒退避苟且玩愒日月隳廢  
職務反益罪愆候叅議官周文光等到任及有官之  
日各將印信倉庫等項交代仍與左布政使梁宸叅  
議王綸程杲劉斐副使賀銳僉事賴鳳潘鵬及首領  
等官俱令本衙門知在不許私自回籍

其七十八案行江西都司官戴罪護印

初三日

照得云為此仰抄案回司即行都指揮馬驥暫且  
戴罪護印管理本司事務候有官之日仍將印信交  
代

其七十九案行知府鄭瓛戴罪護印

日

仰抄案回司即行知府鄭瓛戴罪署掌印信管理府  
事候叅奏明文至日施行毋得懈怠苟且隳廢職業  
不便

其八十案南京兵部撥船接解賊犯

日

照得屬者寧王宸濠殺害守臣舉兵謀逆云擬於

九月十一日親自督解赴闕但應解人犯并護解  
官兵數多本地驛遍殘破紅站座船俱被虜毀無存

議顧民船自浙取道而北須煩貴部於南京濟川江  
淮二衛馬快船內各撥十隻中途接載庶克有濟為  
此移咨特差千戶林節主簿于旺前去煩請選撥馬  
快船二十隻點齊撐駕人役差委的當官員與同差  
去官預先押至鎮江河下候本職到彼替換裝載而  
行實為兩便諒寧藩之叛逆固天下臣民之所共憤  
則今日之獻俘於京以彰天討必亦忠臣義士之所  
同欲當不吝於煩勞也仍希先示咨報

其八十一牌行撫州等府縣選取督解官員

九月  
三日

照得先因寧王

云

本院擬於本月十一日親自督

解赴

關所據押解官員必須得人擬合通行選取

為此牌仰本府着落當該官吏即行後開官員速備  
衣裝并帶堪任信老成人役數名查支在庫官錢照  
名給作往回盤費定限本月初九日前赴軍門此係  
重務立等事理毋得稽遲

計取撫州府知府陳槐 進賢縣知縣劉源清

安義縣知縣王軾 廣昌縣知縣余瑩

其八十二牌仰沿途各府州縣衛所驛遍巡  
司等衙門慰諭軍民

照得先因寧王謀反請兵征剿續該本院親督各哨於七月二十日攻復省城二十四等日在鄱陽湖連日與賊大戰至二十六日遂將寧王俘執及其謀黨李士實等賊首林十一等俱已前後擒獲餘黨蕩平地方稍靖已於本月三十日具本奏捷訖近因傳報京軍復來愚民妄相逃竄往往溺水自縊本院親行撫諭尚未能息殊不知 朝廷出兵專為誅勦寧賊救民水火之中况統兵將帥皆係素有威望老臣宿將紀律嚴明遠近素所稱服縱使復來亦必自無擾害况今寧賊已擒地方已靖京軍豈有無事遠涉之

理愚民無知轉相驚惑深為可憫誠恐沿途一帶居民亦多聽信傳聞不實之言而北來京軍尚或未知寧王已就擒獲合行差官沿途曉諭軍民及一面迎候北來官兵煩請就彼回轉除將寧王反逆黨與本院親自量帶官兵徑從水路解赴京師外仰沿途軍衛有司驛遞等衙門照牌事理即行抄牌備出告示曉諭遠近鄉村軍民人等使知寧賊已擒京軍已轉免致驚疑釀成他變差去官員仍仰程程護送同與迎候京軍堅請就彼回轉以免沿途百姓供億之苦仍諭以本院押解賊犯量帶官兵皆自備行糧廩給

沿途經過有司等衙門止備人夫牽拽船隻及略供柴草給付各兵燒用其他一無所擾不得因此科害里甲軍民差去官負晝夜前進毋得在途遲滯抄牌官吏各具依准候本院經過日繳

其八十三案行江西都布按三司查報寄庫

錢糧

九月初四日

照得本年六月十四日寧王謀反盡將江西都布按三司及附郭南昌等府縣庫盤檢去後中間多係各府州縣解到起運等項錢糧未經轉解若不嚴加查考恐滋侵欺為此仰抄案回司即便弔取原行卷簿

到官責令該庫官攢并經收人役從公清查要見某項原收某府州縣解到某色起運錢糧若干寧王盤檢若干中間有無官吏庫役人等乘機侵騙情弊即今見在若干務要通行查明備造印信手冊火速遍報以憑查考施行仍行南昌等府州縣一體遵照將起解赴司寄庫錢糧查報俱毋違錯

共八十四案行各府州縣衛掌印官從宜發

落罪犯

九月初四日

照得各府州縣衛所奉有部院撫按二司等衙門委問勘合批詞或各衙門自理詞訟問有徒罪以上人

犯俱應申呈上司叅詳發落但省城亂平之後撫按  
缺官二司并巡守等官俱各戴罪前項應詳人犯無  
憑請奪今但從宜處置通行爲此仰抄案回司轉行  
南昌等府縣衛所遇有申詳人犯除死罪充軍重犯  
監候請奪外徒罪以下擺站瞭哨納米或折納工價  
工食等項俱行該府掌印官秉公持憲詳審發落候  
有上司至日類行照驗仍照舊規申呈詳奪其杖罪  
以下應該納贖的決各衙門徑自發落各不許倚法  
爲奸出入人罪自取罪譴

其八十五用手本御馬監太監張

九月初六日

據南康府申奉 欽差提督軍務御馬監太監張劄  
付內開訪得宸濠已該都御史王擒獲克復南昌府  
城等語不曾親到江西又無堪信文移止是見人傳  
說遽難憑據會同 欽差提督軍務平賊將軍充總  
兵官左軍督府左都督朱議照係干反逆重情况係  
宗藩人衆中間恐有撥置同謀逆黨尚有漏網未盡  
抑恐前言虛傳未的將來爲患非細等因備申到職  
卷查先爲飛報地方謀反重情事云云本職親自量  
帶官兵徑從水路於本月十一日啓行解赴京師及  
具本專差舍人金昇先期赴京奏知外今申前因爲

照寧賊果已就擒同謀黨惡果已盡獲餘孽果已掃蕩其妃嫔干礙眷屬見今起解家資錢糧并偽造軍器等項俱該本職公同原經 奏留巡按兩廣監察御史謝源伍希儒及都布按三司并各該府縣領兵等官眼同封貯在府聽候 命下之日定奪外合用手本前去煩請查照施行

其八十六案行江西布按二司委官巡守庫

藏 九月十一日

照得寧府庫藏已經本院督同戴罪三司官員并各府知府公同封識完固合就委官監督看守爲此仰

抄案回司即行該司掌印官督同南昌府同知何繼周及南新二縣掌印官定委老成曉事官二員分領僉定大戶人等每夜上宿看守二庫仍分兵快把守寧府南東西三門晝夜巡邏不許移動一草一磚二司掌印并該道分巡官不時巡視點閱毋得視常虛應故事倘致疎失責有所歸

其八十七牌行領兵官留兵防守 九月十一日

照得江西大亂剿平地方幸已稍靖但巡撫官員被殺巡按及三司府縣衛所等官俱各戴罪聽叅本院即今又督官兵押解寧王并其黨與赴京省城居民

久遭荼毒瘡痍未起驚疑未息雖經撫諭誠恐本院去後或有意外之虞擬合委官留兵防守爲此牌仰領兵知府伍文定邢珣等即便照依後開班次輪流各行量帶官兵晝夜固守城池保障地方撫安居民禁革搔擾候撫按官員及三司等官到任事定之日方許回還照舊管事毋得違錯

計開一班知府伍文定邢珣

二班徐璉戴德孺

三班曾璵

四班周朝佐林城

其八十八案行江西布按二司處分亂後事

宜

九月十日

照得江西未亂之前民僞頗滋吏政多弊撫治之責已號煩難况大亂之後錢糧有侵尅之費軍伍有缺乏之虞奸惡蠅興災旱荐作法度申明之未至官吏怠玩之或生本院討賊平亂功雖告成釐革撫綏力尚未徧若不條析處分深爲未便爲此仰抄案回司照依案驗事理逐款遵照施行務使事各舉行民沾實惠毋得虛應故事取罪未便

計開

一省城大亂固已剝平地方守備難便廢弛除南新二縣機兵令分巡該道分撥守門外仰布按二

司掌印官會同於所屬隣近府縣酌量原編機兵  
多寡量取湊二千名各委相應人負帶領來省操  
練以備不虞仍行南昌道分巡官較視點聞其名  
兵口糧就令各該縣分動支預備倉米穀計日分  
給候事完之日停止

一十四年起運兌淮間有被賊虜掠其未兌及未  
到水次并偏僻去處未經賊掠者尚多誠恐官吏  
糧里人等乘機隱匿捏故侵欺合先行查仰布按  
二司掌印官即行文該府州縣將已兌糧數通查  
要見見在若干果被賊虜若干取具重甘結狀造

冊繳報以憑議處其見在糧米就於所在地方暫  
且貯囤看守如有未兌捏作已兌不曾被賊捏作  
賊劫者照例問發充軍官吏坐擬贓罪不恕

一南昌九江南康三府被賊殘害尤宜矜恤仰布  
按二司掌印官作急查勘呈來以憑議處

一南昌左衛旗軍多因從逆擒斬以致缺伍仰布  
按二司官即便出給告示許令在逃旗軍并餘丁  
投首照依榜例免其罪名着令頂補軍役暫委官  
員管領以備操守

一建昌安義二縣賊首雖已擒獲遺漏餘黨尚多



今既奉榜例合與更新仰布按二司轉行該縣出  
給告示許各自新痛改前惡即爲良民有司照常  
撫恤團保糧長不得挾私陷害如有不悛仍舊爲  
非者擒捕施行

一寧府庄田基屋湖池并寧府官員人役及投入  
用事從逆等項人犯田產例應籍沒合先查理除  
將內官黃瑞基屋改東湖書院以便學者講習外  
其餘仰布按二司掌印官會同南昌道分巡官行  
委的當官員逐一清查如田庄要見坐落地名何  
處田畝若干山場樹木若干湖池廣濶若干如基

屋要見坐落何處基地廣濶若干房屋幾間今年  
見存花利即便收貯所在地方責人看守通造手  
冊繳報其有原係占奪民間物業相應給還及估  
價發賣承佃者俱候查明之日從容呈議審處敢  
有隱匿及指以原業捏稱借貸輒行隱占者先行  
拏問不恕

一省城各衙門并公廨有殘圯應合修理者仰布  
按二司掌印官會同該道官參酌緩急行令府縣  
移拆無用房屋量加修理毋得虛費財力  
一省城湖池仰布按二司行南昌府縣其城濠行

都司各委人看守魚利公同收取報官以備公用  
不許私取及致人偷盜

一今年鄉試因亂廢格除應否補試另行議奏外  
其未亂之前已經舉行未畢事件合先查究仰布  
政司將原發修理貢院席舍并發買物料等項銀  
兩若干原委何人管領即今已修完并已買到物  
料若干見存銀兩若干查明造報毋得因循致令  
吏胥乘機隱匿作弊其已買料有不堪貯者姑令  
變價還官以候再買以後未舉事件有應合預處  
者會同按察司并該道官一面議處施行按察司

仍行提學官轉行所屬知悉

叙遲留宸濠反間遺事

龍光云是年六月十五日恩府王公於豐城聞宸  
濠之變時叅謀雷濟蕭禹在侍相與痛哭拜天誓  
死起兵討賊欲趨還吉安南風正急舟不能動又  
痛哭告天頃之得北風宸濠追兵將及潛入小漁  
船與濟等同載得脫免舟中計議慮恐宸濠徑襲  
南京遂犯北京兩京必然倉卒無備圖欲沮撓使  
遲留半月遠近聞知自然有備無患乃假寫兩京  
都御史火牌云提督兩廣軍務都御史楊爲機密

軍務事准兵部咨及都察院右副都御史顏咨俱  
爲前事本院帶領狼達官兵四十八萬齊往江西  
公幹的於五月初三日在廣州府起馬前進仰沿  
途軍衛有司等衙門即便照數預備糧草伺候官  
兵到日支應毋得臨期缺乏誤事定行照依軍法  
斬首等因意示 朝廷先差顏等勘事已密於兩  
廣各處起調兵馬潛來襲取宸濠使之恐懼遲疑  
觀望不敢輕進使濟等密遣乖覺人役持火牌設  
法打入省城宸濠見火牌果生疑懼十八日回至  
吉安又令濟等假寫南雄南安贛州等府報帖日

逐飛報府城打入省下一以動搖省城人心一以  
鼓勵吉安效義之士又與濟等謀假寫迎接京軍  
文書云提督軍務都御史王爲機密軍務事准兵  
部咨該本部題奉聖旨許泰卻未分領邊軍四萬  
從鳳陽等處陸路徑撲南昌劉暉桂勇分領京邊  
官軍四萬從徐州淮安等處水陸並進分襲南昌  
王守仁領兵二萬楊旦等領兵八萬秦金等領兵  
六萬各從信地分道並進刻期夾攻南昌務要遵  
照方畧并心協謀依期速進毋得彼先此後致悞  
事機欽此等因咨到職除欽遵外照得本職先因

奉勅前往福建公幹行至豐城地方卒遇寧王之變見已退住吉安府起兵今准前因遵奉勅旨候兩廣兵齊依期前進外看得兵部咨到緣由係奉朝廷機密勅旨皆是掩其不備先發制人之謀其時必以寧王之兵尚未舉動今寧王之兵已出約亦有二三十萬若比來官兵不知的實消息未免有誤事機以本職計之若寧王堅守南昌擁兵不出京邊官軍遠來天時地利兩皆不便一時恐亦難圖須是按兵徐行或分兵先守南都候寧王已離江西然後或遮其前或擊其後使之首尾不救

破之必矣今寧王主謀李士實劉養正等各有所密寄本職其賊將凌十一閔廿四亦各密差心腹前來本職述狀皆要反戈立功報效可見寧王已是衆叛親離之人其敗必不久矣今聞兩廣共起兵四十八萬其先鋒八萬係遵勅旨之數今已到贛州地方湖廣起兵二十萬其先鋒六萬係遵勅旨之數今聞已到黃州府地方本職起兵十萬遵照勅旨先領二萬屯吉安府地方各府知府等官各起兵快約亦不下一萬之數共計亦有十一二萬人馬儘已發用但得寧王早離江西其中必有

內變因而乘機夾攻爲力甚易爲此令用手本備  
開緣由前去煩請查照裁處并將一應進止機宜  
計議停當選差乖覺曉事人員與同差去人役星  
夜回報施行須至手本者既已寫成手本令濟等  
選差慣能走遞家人重與盤費以前事機陽作實  
情備細密切說與令渠潛踪隱跡星夜前來南京  
及淮揚等處迎接官兵又令濟等尋訪素與宸濠  
交通之人厚加結納令渠密去報知寧府宸濠聞  
知大加賞賜差人四路跟捉既見手本愈加疑懼  
將差人備細拷問詳悉當時殺死因此宸濠又疑

李士實劉養正不信其謀又與龍光計議假寫回  
報李士實書內云承手教密示足見老先生精忠  
報國之本心始知近日之事迫於勢不得已而然  
身雖陷於羅網乃心罔不在王室也所喻密謀非  
老先生斷不能及此今又得子吉同心協力當萬  
萬無一失矣然機事不密則害成務須乘時待機  
而發乃可不然恐無益於國而徒爲老先生與子  
吉之累又區區心所不忍也况今兵勢四路已合  
只待此公一出便可下手但恐未肯輕出耳昨凌  
閔諸將遣人密傳消息亦皆出於老先生與子吉

開導激發而然但恐此三四人者皆是粗漢易有  
漏泄須戒令慎密又曲爲之防可也日畢即付丙  
丁知名不具與劉養正亦同兩書既就遣雷濟設  
法差遞李士實龍光設法差遞劉養正各差遞人  
皆被宸濠殺死宸濠由是愈疑劉李劉李亦各自  
相疑懼不肯出身任事以故上下人心互生疑懼  
兵勢日衰又遣素與劉養正交厚指揮高睿致書  
劉養正及遣雷濟蕭禹引誘內官萬銳等私寫書  
信與內官陳賢劉吉喻木等俱皆反間之謀又多  
寫告示及招降旗號開諭逆順禍福及寫木牌等

項動以千計分遣雷濟蕭禹龍光王佐等分投經  
行賊壘潛地崐崙告示粘貼及旗號木牌四路標插  
又先張疑兵於豐城示以欲攻之勢又遣雷濟龍  
光將劉養正家屬在吉安者厚加看養陰遣其家  
人密至劉養正處傳遞消息亦皆反間之謀初時  
宸濠謀定六月十七日出兵自己於二十二日在  
江西起馬徑趨南京謁 陵即位遂直犯北京因  
聞前項反間疑沮之謀遂不敢輕出故十七等日  
先遣兵出攻南康九江而自留省城賊兵等候宸  
濠不出亦各疑懼退沮久駐江湖之上師老氣衰

又見四路所帖告示及插旗號木牌人人解體日漸離散以故無心攻鬪其後宸濠探知四路無兵前項事機皆是虛傳七月初二日方敢出兵然其時事機已失兵勢已自阻喪人馬已自潰散多有潛來投降者我師一候宸濠出城即統伍知府等官兵疾趨攻破省城度宸濠顧念根本之地勢必歸救遂預發兵迎擊於鄱陽湖大戰三日罪人斯得

右反間始末嘗聞諸吉水致仕縣丞龍光光謂德洪曰昔夫子寫楊公火牌將發時雷濟問曰寧王見此恐未必信曰不信可疑否對曰疑則不免夫子笑曰得渠一疑彼之大事去矣既而嘆曰宸濠素行無道殘害百姓今雖一時從逆者衆必非本心徒以威劫利誘苟一時之合耳縱使奮兵前去我以問罪之師徐躡其後順逆之勢旣判勝負未可知也但賊兵早越一方遂破殘一方民命虎兕出押收之遂難爲今之計只是遲留宸濠一日不出則天下實受一日之福光又言夫子捷䟽慮煩文太多一切反間之計俱不言及亦以設謀用詭非君子得已之事

陽明別錄卷中  
不欲明言示人當時若使不行間計遲留寧王  
寧王必即時擁兵前進正所謂迅雷不及掩耳  
兩京各路何恃爲備所以破敗寧王使之坐失  
事機全是遲留寧王一着所以遲留寧王全是  
謀行反間一事今人讀奏冊所報皆是可書之  
功而不知書不能盡者十倍於奏冊又言寧藩  
事平之後京邊官軍南來失其奸計由是痛恨  
夫子百計搜尋羅織無所泄毒擠怒門人冀元  
亨與濟禹光等俱欲置之死地冀元亨被執光  
等四竄逃匿家破人亡妻子離散直伺官軍離

却省城方敢出身回家當時光等粘貼告示標  
插旗號木牌皆是半夜昏黑衝風冒雨涉險破  
浪出入賊壘萬死中得一生所差行間人役被  
宸濠要殺者俱是親信家人今當事平之後議  
者不究始原并將在冊功次亦盡削去此光等  
走役微勞雖皆臣子本分不足深惜但賞罰若  
此繼後天下倘或再有事變人皆以光等爲鑒  
戒矣誰肯復效死力哉又言夫子應變之神真  
不可測時官兵方破省城忽傳令造免死木牌  
數十萬莫知所用及發兵迎擊宸濠於湖上取



木牌順流放下時賊兵既聞省城已破脅從之  
衆俱欲逃竄無路見水浮木牌一時爭取散去  
不計其數二十五日賊勢尚銳值風不便我兵  
少挫夫子急令斬取先却者頭知府伍文定等  
立於銃砲之間方奮督各兵殊死抵戰賊兵忽  
見一大牌書寧王已擒我軍毋得縱殺一時驚  
擾遂大潰次日賊兵既窮從宸濠思欲潛遁見  
一漁船隱在蘆葦之中宸濠大聲叫渡漁人移  
棹請渡竟送中軍諸將尚未知也其神運每如  
此又言嘗聞雷濟云夫子昔在豐城聞變南風

正急拜天哭告曰天若憫惻百萬民命幸假我  
一帆風湏更風稍定頃之舟人謹譟回風濟禹  
取香烟試之舟上果然久之北風大作宸濠追  
兵將及時夫人公子在舟夫子呼一小漁船自  
縛印勅令濟禹持米二斗鱖魚五寸與夫人爲  
別將發問濟曰行備否濟禹對曰已備夫子笑  
曰還少一物濟禹思之不得夫子指船頭羅蓋  
曰到地方無此何以示信於是又取羅蓋以行  
明日至吉安城下城門方戒嚴舟不得泊岸濟  
禹揭羅蓋以示城中遂謹慶曰王爺爺還矣乃

有活蛇

開門羅拜迎入於是濟禹心嘆危迫之時暇裕  
乃如此德洪昔在師門或問用兵有術否夫子  
曰用兵何術但學問純篤養得此心不動乃術  
耳凡人智能相去不甚遠勝負之決不待卜諸  
臨陣只在此心動與不動之間昔與寧王逆戰  
於湖上時南風轉急面命某某為火攻之具是  
時前軍正挫却某某對立矍視三四申告耳如  
弗聞此輩皆有大名於時者平時智術豈有不  
足臨事忙失若此智術將安所施又嘗聞鄒守  
益曰昔夫子與寧王交戰時與二三同志坐中

軍講學○謀者走報前軍失利坐中皆有怖色夫  
子出見謀者退而就坐復接緒言神色自若○頃  
之謀者走報賊兵大潰坐中皆有喜色夫子出  
見謀者退而就坐復接緒言神色亦自若○又嘗  
聞陳九川曰九川嘗聞之薛侃矣侃言昔見有  
侍於夫子者自稱可與行師夫子問之對曰某  
動心○曰不言耶對曰某得制動之方夫子笑曰  
此心當對敵時且要制動又誰與發謀出慮耶  
又問今人有不知學問者儘能履險不懼是亦  
可與行師否夫子曰人之性氣剛者亦能履險

不懼但其心必待強持而後能即強持便是本體之蔽便不能宰割庶事孟施舍之所謂守氣者也若人真肯在良知上用功時時精明不蔽於欲自能臨事不動不動真體自能應變無方此曾子之所謂守約自反而縮雖千萬人吾往者也又嘗聞劉邦采曰昔有問人能養得此心不動即可與行師否夫子曰也須學過此是對刀殺人事豈意想可得之須身習其事斯節制漸明智慧漸周方可信行天下未有不履其事而能造其理者此後世格物之學所以爲謬也

孔子自謂軍旅之事未之學此亦不是謙言但聖人得位行志自有消變未形之道不須用此後世論治根源上全不講及每事只在半中截做起故犯手脚若在根源上講求豈有必事殺人而後安得人之理某自征贛以來 朝廷使我日以殺人爲事心豈割忍但事勢至此譬之既病之人且須治其外邪方可扶回元氣病後施藥猶勝立視其死故耳可惜半生精神俱用此等沒緊要事上去了昔者德洪事夫子八年在侍同門每有問兵事者皆默而不答以故南

贛寧藩始末俱不與聞夫子沒後搜錄遺書七年而奏疏文移始集及查對月日而後五征始末具見獨於用間一事昔嘗槩聞奏疏文移俱無所見去年德洪主試廣東道經江西訪問龍光始獲間書間牌諸稿并所聞於諸同門者歸以附錄云時嘉靖乙未八月書于姑蘇之郡學

陽明先生別錄卷之十

